



1

明詩紀事

貴陽陳

書田輯

大德辛未
八民圖
春香山堂

鄒守益 三首

守益字謙之安福人正德辛未第三人及第授編修以議禮下詔獄謫廣德判官遷南禮部郎中就改吏部召為司經局洗馬兼侍讀遷太常少卿兼侍讀學士出掌南翰林院就改祭酒以上疏落職歸隆慶初贈南禮部侍郎諡文莊有東廓集十二卷

田按 四庫提要稱嘉靖二十九年九廟災守益疏陳上下交修之道忤旨落職其疏具載明史本傳今東廓集乃不載余檢史稱守益言殷中宗高宗反妖為祥亭國長久帝大怒落職此數語具載本集九廟

戊籤卷十一

災自陳疏內提要偶未檢耳謙之此疏辭亦不甚激烈蓋帝以議大禮故隱憾之耳

題扇

青山夾茅茨竹徑含煙霧時買泛月舟江上自來去

阻風池口晚霞登岸望九華

渺渺平原送落霞南風吹浪滯汀沙江神不是淹歸興留待晴光看九華

晚睡懷內重諸友

自笑驅馳兩載忙羨君隱卧北窗涼不知攜去浮峯石新種菖蒲幾許長

夏尚樸 四首

尚樸字敦夫永豐人正德辛未進士授南禮部主事

歷郎中出爲惠州知府投劾歸起山東提學副使擢南太僕少卿有東巖集六卷

田按敦夫講學得之斐一齋一齋出自吳康齋康齋詩人學壞派殊不耐觀敦夫詩清超可喜其論詩云漢魏以來至唐宋諸大家皆有典則至陳白沙自出機軸好爲跌宕新奇之語使人不可追逐蓋本之莊定山定山本之劉靜修規模意氣絕相類詩學爲之大變獨古選和陶諸作近之蓋嘗究心此事宜其所作不入擊壤一派也

松溪

風潭百尺水溶溶潭畔亭亭萬樹松坐待夜深明月上一溪寒影走虬龍

答周用賓

天上神仙不易逢相逢一半是孤筇何時直上郎峰頂看爾

青天騎白龍

題桂州象麓草堂

昔年卜筮三峯下象麓曾題舊草堂明月柴門應自好不堪

秋枕夢江鄉

雙溪

二水縈紆夾翠烟山中流出是何年誰人結屋臨溪曲兩派

風湍落枕邊

林文俊二首

文俊字汝英莆田人正德辛未進士改庶吉士授編修累官南吏部侍郎贈禮部尚書諡文修有方齋詩

文集十卷

四庫總目文俊詩從容恬適不事雕琢

將抵昌平

百里昌平道停車日未昏浮生渾似夢舊事復誰論小邑圍平野溪流抱獨村向來征戰地營壘至今存

彭城夜泊

江海真成汗漫遊秋風繫纜近黃樓數聲寒柝孤城戍幾點殘燈隔岸舟水落枯萍粘古堞棹移宿雁起平洲可憐楚漢分爭地今日惟聞水自流

常倫四首

倫字明卿沁水人正德辛未進士除大理評事謫壽

州判官遷甯羌知州有評事集二卷

戊籤卷十一

三

嵩渚集常評事詩疏爽有奇氣
藝苑卮言常明卿多力善射雖為文法吏時執韋附注兩韃騎而馳於郊諸徹侯子弟從俠少年飲常前突據上坐起角射或不及問稍知為常評事敬之奉大白為壽常引滿沾醉竟馳去弗顧又時過俱家賤至日高春徐起或參會不及長吏河又傲然曰故賤時過從胡姬飲不欲居薄耳竟用考調判壽州庭署御史以法罷歸益縱酒自放居恆從歌伎酒間度新聲悲壯豔麗稱其為人一日省臺從外舅滕洗馬飲大醉衣紅腰雙刀馳馬塵絕從者不及前渡水馬顧見水中影驚蹶墮水刃出於腹潰腸死年僅三十四平陽守王濬其故人為收葬之常有詩弔韓信曰漢代稱靈武將軍第一人禍奇緣躡足功大不謀身帶礪山河在丹青祠廟新長陵一抔土寂寞亦三秦至今為中原

大醉後題大雲寺閣柱上

謝公昔高臥挾妓東山遊豈榮黃閣貴不顧蒼生憂簪綬聊田按明卿豪縱詩頗效太白窘於邊幅不稱其為人

暫出江漢乃安流國器良有待局促非吾儔

李翰林

白也稱楚狂長嘯隘八極吐論識仙才浩歌知酒德藉藉陰
何間逸駕時凌逼召用嗟未幾風塵遂長謫寂寞彭成居千
載為惻惻徒傳驅巨鯨幽渺詎可測

玉泉亭

武帝時乘輿金輿駐翠微至今看草樹猶似被光輝泉迸聞
仙樂雲流見畫旗亭高重回首冉冉下斜暉

采蓮曲

棹發千花動風傳一水香傍人持並蒂含笑打鴛鴦

柴奇 三首

戊籤卷十一

四

奇字德美崑山人正德辛未進士授吏科給事中歷

南光祿少卿應天府丞進府尹有黼菴逸稿十卷

田按德美釋褐觀政吏部時楊文襄為太宰德美上
書言東南水利其要害無過白茅塘其次疏七鴉之
壅塞葺溧陽之五堰復江陰之一十四瀆可以興百
年之利請以道瑾沒入費給工費言甚懇至厥後工
部尚書李充嗣開白茅港疏吳淞江六閘月而工訖
其論蓋自德美發之德美詩疏豁無滯七絕特有風
韻

題湖東草堂卷

草堂開向沙湖東鷺鷥瀟灑菰蒲叢溪雲飛去琴書潤艇子

歸來夕照紅

過邵伯湖

東風新水碧波平十里湖光一鏡明幾樹桃花傍茅屋祇應

人在畫中行

京口夜泊

幾樹寒松高閣前一燈無那對愁眠
惟應鐵甕城邊水相送行人不記年

八月張壁一首

壁字崇象石首人正德辛未進士改庶吉士累官太子太保禮部尚書東閣大學士贈少保諡文簡有陽峯家藏集三十五卷

劉郎浦

當年留滯行兵處今日淒涼賣酒家
惆悵遺蹤重弔古晚風殘月櫓咿啞

戊籤卷十一

五

王以旂

一首

以旂字士招江甯人正德辛未進士除上高知縣徵授御史累官兵部侍郎兼僉都御史總理河漕遷南右都御史召拜工部尚書改左都御史尋爲兵部尚書總督三邊加太子太保贈少保諡襄敏有集四卷

送徐字量

八月江南水茫茫萬頃通王孫
尋勝蹟輕棹下吳中曙色寒鐘遠秋光醉葉紅
行看長卿賦豪氣吐長虹

許成名二首

成名字思仁聊城人正德辛未進士改庶吉士授編修歷諭德侍讀學士進太常卿掌國子監祭酒擢禮

部侍郎有龍石臺

海岳靈秀集龍石詩氣
平音和蓋晚唐之佳者

桃源道中

桃源縣南清水長
蓼汀蘆渚空茫茫
安流遙蕩雙槩去
殘雨猶帶秋雲涼
野鶴有時立高柳
沙鷗無數點橫塘
官情鄉思兩不定
繫舟何處蒹葭蒼

宿靈巖方丈懷雪泉

信宿靈巖尚未還
幽情暗與白雲閒
美人繫我松堂夢
清夜悠悠繞故山

王道一首

道字純甫武城人正德辛未進士改庶吉士累官吏

戊籤卷十一

六

部侍郎贈禮部尚書謚文定有順渠文錄

同年劉祠部士鳳遊玄武湖有詩見示次韻

問訊桃源路劉郎是舊遊
何時楊柳岸繫我木蘭舟

屠僑二首

僑字安卿鄞人正德辛未進士授御史出爲延平知

府歷廣東布政使進光祿卿累遷刑部尚書改左都

御史加太子太保贈少保謚簡肅有東洲雜藁

田按簡肅不以詩名
詩名特有風韻

水東驛道中

炎海東來路龍川曲
避沙江村孤驛舍
竹屋幾人家地瘠春
無菜山稠樹少花
瘴煙愁未已汗漫薄天涯

次文卿清明日老軍塘阻風志感

水逆兼風逆難窮汗漫程船頭折楊柳客裏過清明江蘆淩
煙雨天涯遠弟兄相悲重相別愁絕海雲橫

贈棟塘李先生

棟樹蒼蒼我白頭林塘無事比滄洲主人自分調三業野老
相從話四休涼月滿江秋放鶴夕陽平壘暮歸牛謀生此意
爲真訣浮世聲華等一漚

汪文盛一首

文盛字希周崇陽人正德辛未進士除饒州推官徵
授兵部主事諫南巡杖闕下出爲福州知府歷浙江
陝西督學副使遷雲南按察使擢右僉都御史巡撫

戊籤卷十一

七

雲南召爲大理卿有節愛詩集二卷

田按希周守福州時與高激傅汝舟影刊宋本兩漢
書頗稱好事巡撫雲南經營安南事伐謀制勝希周
功爲多賞不副
功史論惜之

擬古

昭陽歌舞正淹留羌女新來勝莫愁曲盡胡笳十八拍爭扶
玉輦下瓊樓

王思二首

思字宜學泰和人太保直曾孫正德辛未進士改庶
吉士授編修以言事謫三河驛丞故官以議大禮
杖死隆慶初贈右諭德有改齋集十卷

十八灘

春雨欲平岸灘灘無急流孤舟如鷓鴣千里有猿愁世路風
波在吾生汗漫遊鬱孤臺突起疑是望鄉樓

登快閣

萬家煙樹澄江上長笛歸船愧白鷗忽見輕陰起天際恍疑
身在岳陽樓

游瑯一首

瑯字世重連江人正德辛未進士累官廣東按察副
使有東行南行稟

過伏波祠

漢代中興將歸然重古祠江河洗甲杖雷雨捲旌旗夷落威
還肅英姿老未衰豐功滿南服不數岷山碑

戊籤卷十一

八

趙德剛一首

德剛字崇節閩人正德辛未進士官武昌通判

廣陵懷古

碧草白沙湖上隄隄邊楊柳有鶯啼瓊簫一曲今何在二十
四橋煙雨迷

汪必東一首

必東字希會崇陽人正德辛未進士累官雲南參政
有南傳集

駐潯州

三峽聞藤斷雙流見桂平牂牁通道遠勾漏出江清何事虛
開府頻年未戢兵蕭條駐藩節慙愧說干城

周廷用 三首

廷用字子賢華容人正德辛未進士除宜黃知縣徵授御史出爲福建僉事進參議歷四川副使江西按察使有八厓集十三卷

國寶新編子賢才稟超融文鋒迅湧兼能博涉強記培滋詞本故援筆長賦爛然成章

田按子賢七律音調高華

次水峽驛

隔岸長風吹白波蜀江千里暮愁多啼猿每聽三聲苦飛雁難逢一字過滿眼黃塵馳羽檄幾時滄海問漁叢夜深月上灘聲靜時有巴人發棹歌

夜泊岳陽樓

戊籤卷十一

九

波淨沙明月色浮孤舟又泊岳陽樓天低接水雁來度夜靜抱珠龍出遊湖海放歌聊對酒鄉關聞笛易生愁君山縹緲虛無裏欲躡風雲到上頭

登岳陽樓和宋凌溪韻

百尺高樓俯洞庭樓前波浪晝冥冥雨來湖水兼天黑雲去巴山擁地青仙子傳書孤鶴下漁人吹笛老龍聽蒹葭零落芙蓉冷誰采湘蘭弔屈靈

孫繼芳 一首

繼芳字世其華容人正德辛未進士除刑部主事改兵部歷員外諫南巡廷杖尋遷郎中出爲雲南提學副使有石磯集

沅湘者舊集華容孫氏自副使至子雙先生凡五世皆以文學顯其曰洞庭漁人集五十三卷者副使之子宜也曰閨居鳴鈇浮湖北遊等集者副使之孫斯億也曰遂初堂集十一卷者副使之曾孫羽侯也曰微書四種今所存刪微三十六卷者副使之元孫穀卽子雙也副使立朝有風節詩其餘事

嵩明次韻

海畔青山山上城野橋驛路接昆明風開林木千章秀水抱沙田十頃平巖井夜深人尙汲炎洲霜後瘴遺生飄飄萬里西南路莫採芙蓉愴獨行

范輅一首

輅字以載桂陽人正德辛未進士授行人擢南御史以劾宸濠及鎮守太監畢眞下獄謫龍州宣撫司經歷起故官歷江西密雲副使遷福建布政使有三峯

戊籤卷十一

十

二京宦游等集

遊靈谷和張汝立韻

草深迷野徑峰簇暗煙蘿吠客犬聲遠照人花影多到來空俗慮小住卽行窩長嘯青山下人生能幾何

周敘一首

敘字子厚九溪衛人正德辛未進士除大理評事歷寺丞以諫南巡廷杖謫永嘉縣丞起故官出爲韶州知府歷四川副使山西按察使陝西布政使以右副都御史總理宣大軍務入爲大理卿遷戶部侍郎改兵部進工部尙書左遷侍郎

夏日過淨居寺飲流杯池

巾紫峯南淨居寺僧房遙倚半岩陰徑連叢篠迷珠樹澗引
飛泉落玉琴說法壇空丹壑宵流觴池在綠苔深勝遊誰繼
蘭亭會幸有羣賢此盍簪

朱鳴陽 一首

鳴陽字應周莆田人正德辛未進士授戶科給事中

累官浙江布政使有南岡集

蘭陔詩話南岡詩亦秀拔

書懷

世路多巖嶮奔走非予心浮雲莽無極白日生層陰寶瑟空
自彈誰復爲知音長歌賦歸去高鴻何冥冥

南大吉 一首

戊籤卷十一

七

大吉字元善渭南人正德辛未進士授戶部主事歷
郎中出知紹興府有瑞泉集

閒居

碧窓紅藥砌青簡綠牙籤花落鶯啼樹風回燕入簾

陸倕 一首

倕字天爵吳人正德辛未進士官寶慶知府

岳岱今兩瑤草桃谷陸倕早登仕用無暇篇章晚就操觚遂超多士靈心夙構穎悟居多

除夕

病拋簪紱風塵外老愧詩名五十聞華髮漸看青鏡曉草堂
重伴碧山雲春歸柳岸啼新鳥門閉江村帶夕曛獨酌椒花
燃柏子歲除空自嘆離羣

胡佩一首

佩字時鳴湯溪人正德辛未進士除萍鄉知縣有隴南集

盆石

窻前置石盆盆中疊山石廣袤不數圍挈瓶小涓滴那知道化工大小無所擇元氣一周流無處不融液居然盆石內草木亦蕃殖綠葉間黃花生意興勃勃不見春園中繁株嬌的藥條已秋風至焦悴無顏色花草雖細微亦或感衷臆頗類幽人貞貧賤不移易又如晚遇士抱璞無人識不用傷白頭對作楚囚泣

盧雍一首

戊籤卷十一

三

雍字師邵吳人正德辛未進士官監察御史有古園集十二卷

毘橋兩渡

橋斷毘江路殘霞水底天渡邊還有渡莫怪急呼船

王濬一首

濬字公濟開州人正德辛未進士除沁水知縣徵授御史出知平陽府遷鹽運使

春日同呂子遊王官谷

中條何透池天柱鬱嶙峋西指重華都世遠見隱淪矯矯司空子誰能識其真所託元不偶孤嘯傷心神

袁達十二首

達字德修閩人正德癸酉舉人授貴溪知縣坐事下獄既釋除湖廣都司經歷有佩蘭子集三卷

東南嶠外詩話佩蘭子詩大雅不羣非晉安派所能

田按佩蘭子近體詩詞雋格高在閩人中可與鄭少谷抗行世鮮傳本余所藏者爲林吉人樸學齋鈔本

詩綜僅錄四詩不足盡所長也

貽傅丁戊山人

獨步才名盛三秋吟思高
校書幽鳥下洗硯毒龍逃
山色霽遊屐花枝挂白袍
散愁思爾過風雨暗蓬蒿

送晉安張白崖歸杭州

爲吏滄海上彈琴桃樹前
美名今不忝直道古難全
纜解鷗迎棹江流月送船
春深煙水濶相望各愁牽

戊籤卷十一

三

暮春約友登鰲峯

遊春城南春事深
花光醉眼亭臺陰
短窻伏枕夢不徹
高鳥喚人愁更吟
豈無白駒隔陋巷
不見黃耳來遐音
明朝赤脚踏鰲去
海上諸峯與汝尋

過西湖宛在堂

晉山不出事如何
日把綸巾濯錦波
五代宮堂王氣盡
一天湖水客星過
江妃倚竹羞環珮
山鬼迎人笑薜蘿
紫鱗白魚秋正美
滄浪萬里起漁歌

題王蕊泉浣似堂

浣似堂開叢竹林
層軒窈窕雜花深
青藜夜動龍蛇影
彩筆秋凌鸚鵡吟
瀼西鳥几聊漫興
市南美地安論金
散愁愛汝

經過易短屐長鑿時一尋

九日少嵩邀登烏石

高石長風吹鷓鴣冠班荆晚酌自晨歡迴巖秀色黃花靜近渚
秋聲白鳥寒搖落江山傷錦樹沈埋日月憶金丹孤雲不礙
明雙眼天北天南一倚欄

登雁峯

全楚山河明眼界九天鐘磬自樓臺暮春花鳥愁詩句絕頂
煙霞照酒杯漫興且攜靈運屐離騷猶抱屈平哀青鞋皂帽
從今始獨倚孤雲意未回

遊溫州江心寺

寺門逼水長陰陰山雲結雨江樹沈禪僧翻貝鳥雀下前佛

戊籤卷十一

十四

幻世塵土侵波濤起伏蛟龍窟舟楫飄零湖海心安得草堂
春夢醒願言攜屐共登臨

春洲

春洲多杜蘅曠懷不可東天風自何來吹我紫芝曲

贈平山王總戎

寶弓夜挂青蘿月錦纜秋閒白鳥風花外釣絲雲裏屐將軍
指點似臨戎

舟次清口慰懷

江上離魂逐暮霞江洲愁目亂歸鴉官舟未發還過鼓直上
長安莫憶家

鄒頤賢二首

頤賢字養浩德州人正德癸酉舉人官平涼同知有

蘆南集

程先貞詩搜鄒公詩直學漢魏深於樂府

山左明詩鈔蘆南詩深於此興多所寄託得古人長言詠歎之旨

雜詩二首

人以支離全木以支離壽夫豈愛支離支離原可宥才美生
嫉嫌而况自求售謙冲猶可爲驕盈乃速咎周公尙流言屈
平卒蒙詬庸鴛有過愆情亮不相構

初春氣猶肅柴荆風更寒布衾夙不温寒士無好顏披衾坐
終夜情幽思亦玄義理靜深省嗜欲無牽纏奈何牛山木斧
斤戕自然富貴斲天性貧賤吾何嫌

戊籤卷十一

五

張縵七首

縵字世文高郵人正德癸酉舉人除武昌通判遷光
州知州有南湖集四卷

顧璘寒松齋存稿世文爲詩文操筆立就尤工於長短句

朱曰陂山帶閣集南湖弱冠作無題詩及香區雜詩一時盛傳以爲淮海才子善長短句從王西樓遊早傳斯技之旨每填一篇必求合某宮某調第幾聲其聲出入第幾犯務俾抗墜圓美合作而出故能獨步絕響之後

田按南湖詞是當家詩亦輕俊可喜

效李長吉體

丁香枝上輕雷響南塘水碧蒲芽長狂風滿地吹花飛小翠

開簾燕子歸

雜詩

心逐行雲一向賒玉樓愁絕抱琵琶綠波細雨傷南浦紅樹
春風夢若耶自把芳心繫柳帶誰將遠意寄蘋花昨朝半醉
疏簾外獨立沈吟到日斜

飲司肇田舍用白樂天韻

年豐樽俎家家會地僻漁樵處處逢五畝君今開水竹一巢
吾亦在雲松野人釀飲畢秋穫鄰客答歌消夜春慚愧高賢
遠來意舉比無以慰相從

金陵清明日借纒柶柶弟飲姪膽館用韻

春來夢遶水西田坐對東風一惘然吳地風塵淹去馬楚鄉
花木怨啼鶉三年寒食家山外此日清尊弟姪前想見柴扉
關細雨自將榆火試新泉

戊籤卷十一

六

湖上

涼風吹羅衣自唱採菱曲日暮不見人秋蘋滿湖綠

秋詞

葉落空庭知已秋彩雲夢斷思悠悠從今莫向雕闌倚一葉
芙蓉一葉愁

維揚懷古

廣陵城西百尺臺臺下遊人數往來煬帝行宮遺事在至今
流水不勝哀

明詩紀事

博士劉景前狀武舉其同義小貴陽陳良田輯

吳詩集

唐皋一首

人亦非皋字守之歛人正德甲戌第一人及第授修撰賜一

銀朝服 品服充朝鮮正使進待講學士有心菴集

庚申八列朝詩集學士老於場屋暮年始登上第為文下筆立就或求竄易字句伸筆直書不襲一字人咸服其

才惜未究其用也

楊白花

楊白花飄飄落誰家渡江江水闊江岸多泥沙歸來舊時樹

不妨舊棲鴉楊花不來楊葉愁江水晝夜隨東流

戊籤卷十二

蔡昂

昂字衡仲淮安衛籍嘉定人正德甲戌第三人及第

授編修累官禮部侍郎贈尚書有頤貞堂稿

寄頓鷗汀

雲中八月天雨霜北風蕭颯秋衣涼美人才高在散地苦吟

歲晚揚清商有時發興成獨往無枝假息聊疏狂丹山之鳳

人不作安得攜子鳴朝陽

送劉希尹同年

冥鴻得意且高鶩鶩鳥高飛正刺天元祐黨人滄海上貞元

朝土曙星前煙花紫禁同遊少風月孤舟別夢牽遙憶政成

多暇日郡齋還紀著書年

靜志居詩話希尹諫草兩陳再答闕下其調知壽州也故事京官外謫出都時以眼紗自蔽過部門選人擁其馬不前希尹攜紗於地曰吾無愧於官俾汝輩見吾面目可耳蔡鶴江送以詩云元祐黨人滄海上貞元朝土墮屋前王耕原送以詩云君不見盤中紫脂蟹嗜昔橫行今安在又不見坐上虎皮褥當日負嘲思殺人世間反覆那可數鄙夫何事用心苦蓋以刺讒人也

劉天民六首

天民字希尹歷城人正德甲戌進士除戶部主事諫

南巡受杖改吏部進郎中諫大禮又杖闕下謫知壽

州累遷河南副使改四川有函山集十卷

四庫總目天民擬宮詞五十首古別離宿楚相祠等作向可謂怨而不怒者

董復亨繁露園集子讀邊李二公及函山集庭實若樂上之泉于鱗若華不注函山則大明湖槐柳婆娑

蒲荷薈蔚漁洋詩話劉希尹及與邊華泉相倡和古選在華泉

之上五言近體精深華妙遠不逮邊矣

田按希尹以直諫名亦留心風雅不盡合轍漁洋謂古選在華泉之上亦鄉曲之言耳

有所思

幽居杳不愜新情無與語江草發相思山花亂愁緒涼風滿故林明月下前澈何處抱琴來搔首曠延伫

雜詩

周轍不西馭王風散眞消河嶽匪幽靈世豈無材人臣主不兩遇千古流酸辛賈誼客長沙公孫據平津所應非所求漢皇甯未仁果哉遵晦子撫化事沈淪

閩中歌一首

閩州城東天下稀閩州城西生事微松肪艇子櫂皮衣侵晨

翁媪犯潮去網得魴鱗薄暮歸

城下江流綠似羅城頭山色翠成窠美人勸酒朱顏酡未到

錦川卸鞍馬行人爭唱閩川歌

晚泊浮山寺

淮水西來看不流楚帆南下晚初收巖頭村老寺何古江面

雲平山欲浮錦石斑花迷遠望白鷗黃鵠動新愁上方未畢

登臨興宅日重維洞口舟

用韻答任侍御元朴

雪白沙清秋可憐美人遙隔紫山煙傳來秀句多情致應在

花籬酒甕邊

蔣山卿 十二首

戊籤卷十二

山卿字子雲儀真人正德甲戌進士授工部主事諫

南巡廷杖謫南京前府都事歷刑部郎中出知河南

府改潯州再改南甯遷廣西參政有南冷集十二卷

藝苑卮言蔣子雲詩如白臘糖看似甘美不堪咀嚼

四友齋叢說顧東橋文譽藉甚又處都會之地戶外

之屨常滿喜設客每燕必用樂乃教坊樂工也有小

樂工名楊彬者頗俊雅先生甚喜之常詫客曰蔣南

冷詩所謂消得楊郎一曲歌者也

國雅蔣參政才豪朗邁頗好激賞一時名士多延致

之其詩五言學杜無奇語

堅瓠集嘉靖臨御久簡於視朝日居西宮奉道初用

邵真人繼用陶真人官皆極品后妃而下法服以從
蔣子雲宮詞云君王親著紫衣裳白玉冠簪入寶光
夜半碧壇星月冷九天仙樂下鸞鳳離宮複道接蓬
萊雲縹干峯五色開香輦無塵珠箔捲後宮遙望上
陵回小年選入並珠宮紫閣玲瓏十二重日侍上真
修法事水晶盤捧玉芙蓉碧殿瑤壇禮上清桂花甘
露浸銀屏雙雙玉女扶青案殿啟瓊瑤函諷道經
田拔參政詩格調整齊微有曠色錄其清澹者亦自

長門怨

故愛心非故新人意自新長門風月夕別院管絃春苔侵文履迹絲縈網戶塵卻憐宮草細尚可藉車輪

王昭君

拭淚新裝束朝來殿裏辭何堪辭訣日卻是見憐時漢驕臨關少胡笳出塞遲琵琶寫哀怨淒切轉添悲

烏夜啼

門前楊柳樹借汝烏夜棲郎眠夜未半無奈汝爭嗁

夏山詩爲張用載作

于越多名山會稽饒禹蹟探穴懷子長疏峯思謝客識迴趣

戊籤卷十二

四

彌遠興在情自適夫子金華彥山中此維宅危構基層巔高齋鄰峭壁石澗屢迴轉雲林互蒙幕褰帷挹空翠開窗抱虛白神超詣高曠理悟玩幽寂一爲簪組累長與煙霞隔綠蘿寄遐興蒼苔迷舊迹大道有卷舒至人戒沈溺功成謝塵鞅終老卧磐石

譙國薛考功君采

七友詩錄一

薛子無雙士千載乃一見翩翩颯鸞舉矯矯雲龍變貞心保冲素自然匪營鍊立言析秘奧文詞餘采綯妙契感同懷乖隔情彌眷丹梯果可攀朱門何足戀

秋夜過君采宅

過訪清秋夜俱懷楚客悲芙蓉不可采江上重相思霜華早

零落風葉日參差共爾一杯酒此情人詎知

八月十五夜懷京中舊遊

今夕那無月他鄉獨上樓兵戈添白髮幕府滯清秋對酒傷
前事尋詩數舊遊呼童把官燭漏盡不能休

夏日休園

晚來無一事偃仰任疏頑門對青山掩心將流水聞數杯邀
月上孤艇信風還卻笑巢居子虛名落世間

失鶴

尚憶疎林下清宵明月光花陰眠小逕松影踏長廊磊落情
相似翻飛意不忘怪來幽思極夢落水雲鄉

送吳子鍾

戊籤卷十二

五

我愛能詩吳少微風流醜藉眼中稀沙明雪樹人遙去江動
雲濤帆亂飛滿把金尊臨別浦高張錦瑟送斜暉蕭蕭爲憶
南溪竹日日開林遲爾歸

春興

遠水湖邊靜春風野外多踏青二三月芳草意如何

溪上

山風木葉飛夜雨松花落散帙坐高齋幽心成寂寞

馬明衡一首

明衡字子莘莆田人少卿思聰子正德甲戌進士

作丁除太常博士遷監察御史以建言廷杖削籍

蘭陔詩話嘉靖二年興國太后誕辰舉行朝賀慈壽
皇太后誕辰有旨免朝賀若出皇

太后中間必有因事拂抑之懷往來存沒之感若出聖意則母子之情有隆無已豈忍輟此盛禮哉朱侍御淵亦上言皇太后親挈神器以授陛下母子之情天日在照今乃旬月之間一舉一罷彼此相較形迹太分何以慰母心而隆孝治疏入承陵震怒命梓二人至庭詰問將置之死蔣文定膝行泣救乃免子莘與父翠峯稱雙忠

答黃西壺先生

孤亭高敞紫霞旁招隱歌成逸興長靖節早應歸栗里龐公久不入襄陽百年海上丹心遠五月松風白葛涼徙倚危闌瞻北斗山中夜夜挹清光

林大輅一首

大輅字以乘莆田人正德甲戌進士授工部主事以

戊籤卷十二

六

諫南巡予杖下詔獄謫夷陵判官起故官出爲江西

僉事以副都御史巡撫湖廣有愧瘖集十六卷

嵩渚集林以乘詩若萬事看斑鬢十年遲素書岐路長風雨春山有蕨薇遠漸彭澤宰深巷掩荆扉之句良佳

東南嶠外詩語二山之下詔獄也其妻黃夫人留邸舍日夕焚香籲天爲其夫所免鄰人衛尉修夙怨誣以詛呪並逮入獄鞠訊時備極楚毒不肯承事者危詞怵黃黃懷慨對曰妾夫被極楚毒不肯承事者危真不出忠良獲宥則誠有之庸敢有他妾以兒女子無知使吾夫重獲罪戾惟有一死以謝官家並謝妾夫妾方有身分不任受刑願速賜死主者口噤而罷居五日始得釋二山有詩紀之云那知罹百災菜妻欲同死鐵械分天牢雷霆威如此顛沛裂肝腸涕下孰能已並死誠堪傷一生差可擬決絕語通者否泰俟神理是日夫婦偕出獄都人士聚觀稱爲鐵夫人田接二山與馬子莘同鄉同年其和子莘咏志詩云佩玉須璜珩佩草須芝蘭砥礪非奇珍蕭艾隕微寒二人並以志節著又有句云邱壑元貧賤廟廊自聖明斯言也可以怨而不怒矣

浮蹤

浮蹤甘屏裔，簿領亦閒閒。虎跡村間路，猿聲郭外山。四愁仍欲結，雙鬢慚成斑。長見乘槎者，天風萬里還。

劉儲秀一首

儲秀字士奇，咸甯人。正德甲戌進士，授刑部主事。歷

郎中，出為山西提學副使。歷湖廣按察使，以右副都

御史巡撫遼東，擢戶部侍郎，進尚書，改兵部。

田按尚書為部郎時與僚屬薛君采胡承之張孟獨倡和為詩社都下號西翰林

酬馬戶部雨中送別

老去江鄉識馬卿，那堪別路兩猶鳴。年華冉冉嗟何待，世事

悠悠久未成。江上黃蘆鴻雁影，山前紅槿鷓鴣聲。亦知不是

戊籤卷十二

七

悲秋客笑問如何，太瘦生。

顧璵三首

璵字英玉，上元人。正德甲戌進士，除南工部主事，改

兵部，歷郎中，謫知許州，遷溫州，同知。歷山東僉事，進

河南副使，有寒松齋集六卷。

靜志居詩話英玉為東橋從弟，東橋詩有落魄吾家蘇季子風流南郡小馮君蓋識牧許州時所寄也。東

橋闕息園以延賓客，載酒促席，諸亭別簪滿座，伎樂雜陳，而英玉居隔一牆，臨街小樓曰寒松齋者，坐卧其上，訓童子以自給，所謂名教之外別有風猷者耶。

碧溪

何處濯塵襟，澄溪湛空碧。悠然寄真賞，靈境斷行迹。雨散灌木陰，煙寒孤嶼夕。流淙激鳴絃，峭石礙輕幘。日暮澹忘歸，白

鷗共分席

隱吏亭

卷幔青山入拋書白日長
苔茵承屐穩竹粉惹衣香
病喜諸禽戲貧嗔減鶴糧
自堪稱吏隱不用問行藏

送楊生東歸

南雁驚鄉思新寒入客衣
故人憐遠別把酒送將歸
楊柳暮潮暗蒹葭夕露微
今宵江上月何處共清暉

簡書

一首

霄字騰芳新喻人正德甲戌進士除石首知縣歷大理丞以僉都御史巡撫河南進南副都御史提督操江就遷兵部侍郎有蓉溪集

戊籤卷十二

八

和袁別駕除日

歲事撩人懶出郊殘棋且聽隔窗敲
新筍柏葉春浮甕待訪梅花雪滿梢
天上故人懷久別山中勝事覓新交
明朝又是明年到獨守殘更未忍拋

吳鎧

一首

鎧字文濟陽穀人正德甲戌進士授行人擢監察御史出爲福建按察副使歷陝西參政雲南按察使以僉都御史巡撫甯夏

涇州

隴坂秦雲暗涇原春草萋河流沙漠外
亭列玉門西雪嶺傳烽火天山震鼓鼙
酬恩當此日戰馬向風嘶

濯纈一首

瓚字廷獻昌邑人正德甲戌進士累官右副都御史
巡撫湖廣有蟲吟草

塞上曲

朔風吹合太行雲千里旌旗盡漢軍何事雁門先失守漁陽
鼙鼓不堪聞

彭大治一首

大治字宜定莆田人正德甲戌進士累官長蘆運使
有定軒集

長安旅舍

書齋僅容膝門巷不容車朝朝掃落葉庭樹在鄰家

戊籤卷十二

九

林炫二首

炫字貞字閩人尙書庭棹子正德甲戌進士歷官通
政參議有榕江集

古意

轆轤上深井一轉一愁結井水有時乾愁心幾時歇

自君之出矣

自君之出矣玉鏡多塵埃思君如鯉魚永夜雙眼開

桑溥一首

溥字伯雨濮州人正德甲戌進士歷官浙江按察使
有宦遊閒居二集

登咸陽北原

高原出飛蓋四望暫徘徊水入黃河去山從華嶽來漢陵埋
宿草秦苑剩遺灰莫數興亡迹秋深客思哀

顧可久 一首

可久字與新無錫人正德甲戌進士授行人諫南巡
受杖降國子學正遷戶部員外議大禮復受杖尋進
郎中出爲泉州知府改贛州擢廣東副使有在署在
疾釋禫溫陵虔州珠厓在潤等集

題繡嶺草堂

司徒焚魚歸故山山中高結竝都壇前岡時傳笙鶴度疊巘
曾有龍蛇蟠繡林娟娟長瑤草陰洞拂拂飛霞丹座上春風
不可東振衣飄灑青雲端

戊籤卷十一

十

錢憲 一首

憲字國章無錫人正德甲戌進士官常山知縣

秦從川 邀入吟社

春社臨芳墅青林變渚禽題襟思漢上修禊繼山陰花氣薰
飛竿泉聲答玉琴追歡興無那刻竹記清吟

陳能 一首

能字大用華容人正德甲戌進士歷延平知府終廣

西參政

已公菴

山雲濃作雨石瀨淺流花擬約浮邱伯回來咽紫霞

范永鑾 一首

永鑾字汝和桂陽人正德甲戌進士除貴溪知縣徵授御史出爲福建副使改陝西歷河南按察使遷四川布政使

題朱氏醒溪亭

峭峽迴青嶂虛亭俯碧流林花飛綺席鷗鳥下春洲曲水流觴入高軒縱鶴遊主人醒道眼清嘯坐忘憂

雷應龍一首

應龍字孟升蒙化州人正德甲戌進士除莆田知縣徵授御史

送別陳大剛上舍

仕路一萬里儒冠三十年蹇驢明日道回首亦悵然

戊籤卷十二

十一

金賁亨一首

賁亨字汝白臨海人正德甲戌進士歷官福建副使田按汝白述懷詩云謀生力拙仍干祿用世才疏敢擇官可謂真琴

贈西溪居士

野性本愛溪結屋溪上住酒醒山月明溪雲自來去

陳器一首

器字德器臨海人正德甲戌進士除淮安推官遷刑部主事進郎中有石居漫興稿

彭城與同年伍汝文周少安別

會多忘是客別近覺愁人風雨偏當夜鶯花又送春悲歡燈下酒去住夢中身魚雁空湖足來書莫厭頻

林春澤 一首

春澤字德敷侯官人正德甲戌進士授戶部主事遷
員外謫甯州同知厯吉安通判肇慶同知遷南刑部

郎中出為程番知府有人瑞翁集十二卷

堅瓠集侯官林德敷生於成化庚子至萬曆己卯一
百歲劉中丞商御史為建人瑞坊德敷謝詩云翠旗
谷口萬松風喘息猶存一老翁詎意夔龍黃閣上尚
憐園綺白雲中擎天華表三山壯醉日桑榆百歲紅
願借未光乘晚照康衢朝暮頌華封又四年卒子應
亮嘉靖乙未進士以戶部侍郎侍養年亦八十六卒
孫如楚嘉靖乙丑進士工部侍郎卒年八十二
閩小紀侯官林太守春澤少年與鄭少谷方崇陵張
崑崙為詩友其子應亮則少谷之壻也有人瑞翁詩
行世

東南嶠外詩話人瑞病起即事示憲見起兒价夫薦
夫二外孫詩云賴有兒孫供筆札碧桃花下寫新詩
不類老年頽放之作

戊籤卷十二

十一

早秋登昌平城樓

城上高樓凌紫清山城氣候早涼生居庸南去蟠三晉天壽
西來奠七陵秋興又窮湖海望帝鄉獨繫古今情登樓不道
非吾土何處林端蕭瑟聲

戴欽 二首

欽字時亮馬平人正德甲戌進士授刑部主事進員
外以諫大禮受杖有鹿原存稿九卷

四友齋叢說馬西立極重戴時亮二公皆工初唐故
也

露書戴時亮詩如曲江春色早直為麗人催離愁撥
不開結在春江樹春風亦作憐花態恰如花前卻倒
吹皆佳句也

汪森粵西文載時亮詩清新俊逸
田按廣西志及粵西文載均云時亮以受杖死余檢
明史當時以諫大禮受杖死者十七人無時亮名又

時亮姪希懶跋鹿原集云丙戌時亮卒於京師考受杖在嘉靖甲申七月至丙戌已隔二年則非杖死明矣時亮詩音節瀏亮粵西詩家在明中葉此爲翹楚

興安道中遣興

不是天涯子誰知行路難
高江吞地轉翠嶂倚雲蟠
斗口牽腸曲龍塘照膽寒
萬重煙樹外何處望長安

明妃怨

自倚顏如玉誰知畫失眞
卻憐胡地老虛作漢宮人
淚泣龍沙月魂棲鳳輦塵
翻思兩黃鴝連翼上林春

張治道二首

治道字孟獨一字時濟
長安人正德甲戌進士授長垣知縣遷刑部主事有太微前後集

戊籤卷十二

三

對山集孟獨每有所作子輒稱善若鮑謝復出沈宋再作藝苑卮言張孟獨詩如馬陣兵瞋目擅袖果勢壯往

嘉靖丙戌六月五日京兆驛觀進貢獅子歌

嘉靖中葉稱至治海內紛紛多異瑞
天子雖閉玉門關狡狴猶自遠
方至嗚呼此物胡爲來
鉤爪鉅牙身崑崙忠順邱墟土番叛
西域之國絕貢獻月支疏勒稱西極
此物十年達中國傾都之人盡來觀
我亦走馬入長安長安市人色無歡
爲道食羊責縣官一時無羊人遭鞭
羊備猶索打乾錢高鼻番人眼如拳
錦衣繡袴赤檻前有時玩弄口生煙
踞地咆哮聲震天百獸伏匿虎豹瘡
犬不復鳴青田噫嘻先皇好搏獸
豹房虎圈親來鬪自謂龍虎敢當挽衣一近遭
虎傷至今

海內傳其事嗚呼此物安足視鳳凰絕鳴麒麟不遊牛馬不
蔽野狡狴達皇州我來觀罷生繁憂

青樓曲

長安狹邪緣水濱青樓羅綺暗生春碧紗窗外東風起飄落
楊花不著人

霍韜一首

韜字渭先南海人正德甲戌進士除兵部主事以議
大禮驟貴擢少詹事兼侍講學士進詹事兼翰林學
士歷禮部侍郎大禮成超拜尚書以事下都察院獄
輸贖還職以母喪歸起吏部侍郎出爲南禮部尚書
加太子少保贈太子太保諡文敏有渭崖文集十五

戊籤卷十二

卷

四庫總目韜性強執謬戾不顧是非議尊與獻爲皇考
則斥司馬光不知忠孝不當從祀孔廟議合祀天地
則竝詆及周禮可謂無忌憚者其他文亦皆爭辨迫
急異乎有德者之言

贈方棠陵用陶飲酒韻

衡湘古雄邦風氣猶頗真民居限山溪習尚稱古淳義皇雖
世隔濂溪迹尙新九疑留舜轍桃源嗟暴秦迨今百世下湮
淪同飛塵君行過湘江敦古心應勤精神苟相契異世情自
親他年石屋歸爲藏折角巾候我採藥來山花我主人

左國璣二首

國璣字舜齋尉氏人正德丙子舉人有南部集

中麓閒居集左中川國璣詩無副稿身後被衆客商
改換首尾攘爲彼作

四溟詩話左舜齊日一句一意意絕而氣貫此絕句之法一句一意不工亦下也兩句一意工亦上也以工爲主勿以句論趙韓所選唐人絕句後兩句皆一意舜齊之說本於楊仲弘
盛明百家詩盧工部刻左中川集敘稱其豪縱磊落爲文馳騁踔厲才藻逸發殆信然矣
明詩統中川空同內弟得之琢磨爲深
明詩選陳臥子曰左君跌宕亦未成家
田按舜齊與田深甫並稱舜齊馳騁有餘較深甫爲優

芳洲吟

蒿艾徒滿握不如佩蘭芷所期芳洲人弭棹在何許烟波浩無際凝望獨延伫日暮思不來涕泣零如雨

九日訪白塔

嚴霜日午氣不煖客到竹扉僧自開已見高梧下黃葉更憐叢菊委青苔甌將茱萸供茶入棹出山蔬送酒來郭外相逢

戊籤卷十二

五

惟老衲劇談常是月中回

田汝棘一首

汝棘字深甫祥符人正德丙子舉人官兵部司務有

莘野集

四溟詩話大梁田深甫從李獻吉遊嗜酒醜詩十二
科不第嘗擬少陵秋興詩得盛唐氣骨

西亭書院偕孫東蒙宴集

不識王孫館翛然水竹鄉林堂秋黯淡烟漱晚蒼茫良會留
孫綽追陪愧子方傳杯散圖史餘興滿滄浪

董穀一首

穀字碩甫海鹽人處士漢子正德丙子舉人除安義
知縣改漢陽有參龍子四存前後集

塞上曲

貢道紆回馬市平
令嚴邊塞敢誅徵
聖主不乘照夜白
遠臣休貢海東青

洗劍潮河冰滿川
彎弓古北雪封羈
將軍好著燒荒令
莫遣花當易近邊

吉梁二首

梁字大用丹陽人
正德丙子舉人除
京山知縣改塾

江

田按大用詩有別趣惜不多見

登吸江亭

戊籤卷十二

夫

江畔懸崖開一亭
天垂四面列如屏
窗含千里雪濤白
座擁無數秋山青
有客弔古鬼泣句
何人瘞鶴僧傳銘
酒酣長嘯日西下
松際月來心自醒

春懷

茅堂生事雨中饒
菊圃分畦種藥苗
花鳥向人成主客
江山容我作漁樵
破除午夜寂琴三
弄滌蕩春愁酒一
瓢不到西園纔
兩日亂紅棲草綠
垂條

陳文學一首

文學字宗魯貴州宣慰司人
正德丙子舉人累官耀

州知州有耀歸存稿餘生續稿

黔詩紀略陽明先生謫龍場驛丞提學席副使書請居文明書院爲諸生講知行合一之學得其傳者首

推陳宗魯陽明居夷集中獨有示宗魯詩蓋進之也

上巳日

昨日清明楊柳芳今朝上已薺花香可憐佳節多風雨孤負
臨流泛羽觴榆火新煙歌老杜蘭亭舊事憶諸王洗心未竟
童心在狗俗無勞祓不祥

戊籤卷十二

七



經心各錄

臨流泛羽觴榆火新煙歌老杜蘭亭舊事憶諸王洗心未竟

童心在狗俗無勞祓不祥

上巳日

世刺之詞則風夷其中聲言示宗魯詩蓋進之也

戊籤

舒芬 一首

芬字國裳進賢人正德丁丑第一人及第授修撰諫南巡授杖謫福建鹽課司副提舉嘉靖初起故官議大禮再杖歸萬厯中追諡文節有梓溪內外集十八

卷

田按正德己卯車駕將東巡祀岱宗歷徐揚抵南京蘇州復泝江浮漢登太利山是時宸濠久蓄異謀待釁而發結陸完錢甯為內應人情洶洶懼禍不測國裳與同館編修崔桐庶吉士汪應軫曹嘉王廷陳馬汝驥江暉聯名疏諫有曰痛哭泣血不忍為陛下言者江右有親王之變大臣懷馮道之心以祿位為故

戊籤卷十三

物以朝署為市塵以陛下為奕棋以革除年間為故事言甚激烈時陸完以智術倖掌銓部利帝遠出得以久其位又倖宸濠之謀遂則有非望之福造為惡語以阻抑諫者謂帝間直諫便舉刀為刳狀且曰今撤賴矣國裳不為沮復要同鄉夏考功長勝萬儀制朝陳太常九川至寓舍酌酒款曰匹夫不可奪志吾儕乃為大臣所奪乎今日之事當死諫無二復聯名疏諫楊遂菴詩所謂江西四君子北闕幾封章也受杖幾死嘉靖初復與同官諫大禮再杖闕下瀕死不悔世稱為忠孝狀元國裳登第移家住要津偶逐風雲上霄漢獨勞車馬驚京塵夢魂無定憐親遠骨肉相看賴汝真歸去朋從如問我為言官似秀才貧可以見其志節矣

出郭

野外尋幽雨過初碧山濃淡畫難如未能莊子舟藏壑欲買謝公墩結廬高樹間雲輕護鶴小橋新水淺通魚因緣莫向山僧話安得禪心片月孤

倫以訓一首

以訓字彥式南海人正德丁丑第二人及第授編修
歷官國子祭酒有白山集十卷

田按祭酒諭德文敘之子文敘弘治己未會試殿試皆第一祭酒兄以諫鄉試第一祭酒正德丁丑會試第一殿試第二弟以詵亦成進士科名鼎盛冠絕一時南海之倫靈實之許世稱為南倫北許

江行

柳色青迎路花光紅到船何須聽簫鼓嘯鳥印繁絃

崔桐一首

桐字來鳳海門人正德丁丑第三人及第授編修諫
南巡授杖歷侍讀累遷國子祭酒南禮部侍郎有東

洲集二十卷續集十卷

戊籤卷十三

折楊柳

出門折楊柳卻憶贈君時分明春在手不是去年枝

張岳一首

岳字惟喬惠安人正德丁丑進士除行人諫南巡受
杖謫南國子學正嘉靖初復故官遷右司副改南兵

部員外歷郎中出爲廣西提學僉事改江西以忤張

璉謫廣東鹽課提舉遷廉州知府歷浙江副使遷參

政改廣東擢右僉都御史撫治鄖陽移撫江西進右

副都御史總督兩廣軍務兼巡撫進兵部侍郎改刑

部再改兵部進右都御史總督湖廣貴州四川軍務

降兵部侍郎卒後敘功復右都御史贈太子少保諡

襄惠有小山類稿二十卷

蘇茂相寶善類編張襄惠岳撫江右夏相言築賜塋廣信七邑議各致千金岳曰是將範金為柳乎邑百金足矣嚴相嵩奉敕建延恩樓復減其費書謝曰延老意況供費如式奉明旨嚴銜之陽致書謝曰延恩之制誠儉然如足下則為伯夷之所築後三阻其內召多方齟齬之岳與所知書曰樓凌寒骨只欠馬革一張自份已定人如之何又曰自古刀鋸鼎鑊皆儒者當之云

焦竑獻徵錄嚴氏擅政二十年制閩不入一錢沒得完其身名者僅岳一人耳

靜志居詩話襄惠文治武功所至登績詩其餘技然如宛宛西飛日餘光照我裳江空流月華白石光凌亂理深物有悟興極感相因幽篁迷舊蹊回磴距飛轍非熟精文選理者不能作也

瑯琊寺

朝遊瑯琊山暮宿瑯琊寺古山徑荒寒林積空翠慨念千

載人欹枕不成寐六一安在哉智僊亦已矣燃燭讀殘碑刹

戊籤卷十三

三

落不可紀誰謂金石堅所託謾復爾秋風拂庭柯落葉盈階

祀所以稱達生靜觀良有以不見龕中僧白髮垂兩耳

張經 三首

經榜姓 字廷彝侯官入正德丁丑進士除嘉興知縣

徵授吏科給事中歷戶科都給事中擢太僕少卿歷

大理卿以右僉都御史巡撫山東進兵部侍郎總督

兩廣軍務以功進右都御史兵部尚書以憂去起三

邊總督尋報罷起南戶部尚書就改兵部總督直隸

浙福軍務改右都御史兼兵部侍郎為趙文華所構

逮至京論死隆慶初復官追謚襄愍有半洲集七卷

靜志居詩話襄愍詩特
清婉無拔劍橫槩氣

沔池亭上對竹

小亭頗虛敞石竹三五竿輕飄颯然至瀟瀟秋雨寒相逢若
舊侶對此眞忘餐盤桓坐將晚新涼襲衣單我懷耿不寐秉
燭夜已闌明時有鳳鳥愛爾青琅玕

少谷深入武夷九曲日旰不得食因抱病崇安書來以
文稿相託隨放舟南下抵家之次日而終焉或者不
能無憾於山水之癖因賦

卧病崇陽日貽書攜李時遙傳歸棹晚每惜到家遲道誼青
霄迴文章白首期誰能探造化灑泣對新詩

慈恩寺

慈恩開古寺坐對曲江頭雁塔寒雲滿南山爽氣秋更無題

戊籤卷十三

四

姓字空復見陵邱往事誰堪問橋西水自流

夏言十八首

言字公謹貴谿人正德丁丑進士授行人擢兵科給
事中歷吏科都給事中擢侍讀學士進少詹事兼翰
林學士掌院事歷禮部侍郎進本部尙書加太子太
保進少傅太子太傅兼武英殿大學士入參機務加
少師特進光祿大夫上柱國進吏部尙書華蓋殿大
學士以忤旨再致仕落職閒住尋起故官議復河套
爲嚴嵩所構棄市隆慶初追諡文愍有桂洲集十八

卷

四庫總目言詩文宏整而平易猶明中葉之舊格

焦竑玉堂叢語貴溪以貴用事故事閣臣日給酒饌

當會食貴溪與分宜供事二載貴溪不食上官供家
所攜酒饌甚豐飲什器皆用金與分宜謂華亭吾生平為
自食大官供不以一七及也分宜謂華亭吾生平為
貴溪所狼籍不可勝數而最不堪者二事其一大宗
伯時貴溪為首揆俱在直欲置酒延貴溪者數矣多
不許間許至前一日而後辭則所徵集方物紅羊豕
狸消熊棧鹿之類俱付之烏有一日候出直乃敢
齒又次揆諸城為從與則曰吾以某日赴自閣出即
造公不過家矣至日諸城為先憩西朝房以俟乃貴
溪復過家寢於他姬所薄暮始至就坐進酒三勺一
湯取略沾膏而巳忽傲然起長揖命與諸城亦不敢
後三人者竟不交一言

野獲編嘉靖乙未春正月朔大雪上諭大臣曰今日
欲與卿等一見但蒙天賜時玉耳禮卿夏言即進天
賜時玉賦以獻上大悅以忠愛褒之詞亦能詩然不
甚當行獨長於新聲所著有白鶴園詞藻豪邁爽
其辛幼菴劉改之風其謀復河套作漁家傲詞亦
國史唯疑謁陵有扈從有居守有頒賚有蠲免錢糧
遠如薊遼總督總兵官咸於昌平迎駕列兵擺防特
戒嚴未易輕舉本朝惟宣世穆神朝陵駕父老歡呼
廟亦經駐驂焉夏言詩百年不觀神朝陵駕父老歡呼

戊籤卷十三

五

識漢儀隆

重可允
列朝詩集少師賦才敏捷奏對應制倚待立辦喜為
長短句在南宮與屬吏虞山楊儀夢羽倡和今所傳
元相桂翁詞及隲園新曲皆夢羽序而行之少師得
君專政聲勢烜赫詩餘小令草葉未削已流布都下
互相傳唱歿後未百年黯然無聞花間草堂之集無
有及貴溪名氏者可一轍也夢羽記一事云少師嘗
所夢九經仙得問舟子三字及罷相再起泊舟惟上
與夢羽賦詩贈別取孟浩然詩探韻拈得淮稷子詩
云向夕問舟子前程沒幾多誰頭入前定錄也
波悵然不樂罷酒而別此事亦可正前定錄也
靜志居詩話貴谿遊覽贈酬之作不及分宜而應制
詩篇投頌合雅不若袁文榮之近於褻也
田按貴谿驕蹇當時語云不親費宏不知相大不見
夏言不知相尊觀弱侯玉堂禮部時與翰苑諸公賦
五言特具高韻才本揮霍長禮部時與翰苑諸公賦
觀蓮歌聯篇次韻層出不窮雖未盡合節要亦豪宕
之作也絕句
尤有風致

夜興

微颯振華樹疏櫺透涼月虛堂華燭燼別館清琴發芳思徒
延貯山川豈吳越幽夢遶西樓迢迢度城闕

羅琴士卷

拂拭朱絲琴一彈白雪吟調高嘆寡和絃絕爲知音以我邱
壑想契君山水心相思洞庭閨悵望匡廬岑

偏橋道中

祇役越荒服言歸念何時迢迢道路遠奄忽日月移筋力苦
登頓山川多嶮巖驅車高嶺顛騁轡絕澗涯俛聆眾壑淙仰
睇孤雲馳去家萬餘里覲物勞我思怪禽翔水曲猛獸啾山
基崖傾瘴雨黑林深毒霧滋壯遊經坎壈憂端亂難治

送李子中

戊籤卷十三

六

盛夏理嚴裝詰旦臨廣路洛騎方北旋吳檣會東鶩清颿動
野莽落日隱關樹眇眇余停瞻依依爾還顧

折楊柳

征人赴交河楊柳鬱婆娑馬上各攀折歲暮無餘柯岸上居
人少河邊戰骨多不敢望舊鄉寒淚滂沱

贈涂夢卜令新昌

春雲冠層城初陽耀丹闕衢路羅祖席車蓋儼成列束裝及
良辰解纜值嘉月修塗喜新踐久誼傷今別聖朝重明牧玉
書簡英傑矧茲艱難會弘濟仗達節陽城自殿課催科甘處
拙何武居無名遺思乃在昔賢務寬政豈弟有成說新昌
古名邑山水擅句越子行勵徽猷慷慨紹前烈敷辭媿膚率

撫已矜薄劣

贈劉儀制伯雨擢南京尙寶卿

祇命謝朝闕抗旌背京里東曹循舊章南國遲新軌設筵芳
甸側停騎清江涘高臺飛雲霞緒風蕩蘭芷飲餞萃時哲綢
繆盡知已高人負經濟弱冠振才美十年守郎局勞勩存邦
禮瞻茲波蕩中拯溺恃君子把別非予心卽事昧成理指塗
波嶺重稅駕風塵弭卜室鍾山旁賞花石城裏舊京神靈地
廟社方毗倚百司貶才彥猶足直國紀符臺本名卿豈必親
玉璽祇虞江湖上廊廟憂未已太息抱情殷永言愧辭俚

萃墨亭歌爲徐州洪李主事香作

彭城城邊秋繫舸黃河漲發波掀簸隔水遙開水部亭有亭

戊籤卷十三

七

峩峩山之左我聞此亭新落成築臺累石見高情百年麗藻
星辰聚千秋遺墨煙雲生憶昔坡翁守茲土月中之遊果誰
伍張老還攜鐵笛吹潛公自袒袈裟舞一時清興眞可憐片
石題名今宛然那知埋沒黃塵下復得摩挲碧檻前古人蹤
迹今不朽文章照耀看身後昭代諸公盡才彥西涯東白名
山斗登臨嘯咏古今同人代推遷感慨中悠悠白日浮雲外
杳杳洪波砥柱東亭中我是初來客臨風重灑淋漓墨芒碭
山前木葉飛滿天鴻雁悲秋色呂梁白浪高崔嵬盤渦轉石
鳴萬雷天關撼裂地軸動吁嗟氣勢何雄哉北風蕭蕭捲河
水落日吳帆下千里夏子高歌爲誰起作亭主人豫章李

象麓草堂初成和杜

繞院松杉雲氣流小窗高枕碧江幽秋山杳杳唳立狝晚水
冥冥飛白鷗伏枕經年須藥裹閉關長日下簾鉤得閒且覓
邱園樂汨汨風塵何所求

晚歸自象山有懷諸友

溪上人家竹樹青溪頭野客眼偏明斷雲將雨江城遠蠟屐
穿花徑路平春洞酒杯勞夢想夜巖燈火隔書聲西齋此夕
成孤寂草滿池塘蛙亂鳴

侍上舟行恭述

曉日明柘袍鮮雲護華蓋舟轉碧楊灣騎繞青林外
鄱湖道中

落葉走迴風幽花媚奇石白雲無定蹤時看度青崖

戊籤卷十三

八

送中石呂子得告南歸

滄波渺子望送子意何極便欲製山中還山煮白石

江南曲

江頭楊柳花風吹渡江水愛殺雙鴛鴦只在池塘裏

江皋曲

江上蘼蕪草東風吹又生聞郎早晚回日日堤上迎

侍上泛舟金海

萬歲山前一棹迴御舟遙望近南臺柳陰不省宮車過隱隱
輕雷水際來

張家灣阻風

張家灣裏滯行舟洪河嘴邊河水流闌風伏雨作秋暝汀蓼

渚蘋生野愁

弋陽道中

篠簜渡頭楊柳低桃花灘上子規啼蘭橈蕩入葛溪口三十

二峯春日西

顏木 五首

木字維喬應山人正德丁丑進士除許州知州改亳

州有燼餘稿四卷

藝苑卮言顏惟喬文如暴顯措大不堪造作

湖北詩徵傳略湘潭王山長曰漢東顏木與信陽同時作詩最有風骨而近時採選家不之及何耶田按顧東橋巡撫湖廣聘王稚欽顏維喬王汝化同修承天大志書成永陵弗用惟喬詩格調甚高燼餘稿已不可得余從李時遠明詩統獲詩數篇亟登之

出塞

戊籤卷十三

九

結髮事戎行年年瀚海旁離旌搖漢日候騎出胡霜月滿交河白沙飛絕塞黃征衣今已破惟有劍花光

從軍行

秋草三邊白胡霜八月飛羽書馳上郡烽火發金微七謫空尺籍千層縵鐵衣左賢生已獲右地虜應稀

贈劉漢陽致仕

臯亭黯黯看江柳煙雨霏霏隱漢槎世道於人真一夢東風送客好還家雲連獨戍悲清角月帶空城起曙鴉誰賦文通舊時恨甘棠莫剪別來花

贈陳進士伯棻出使關陝

曙色沈沈秋已陰雁傳丹葉下霜林更堪別酒悲中淚還聽

寒城雨外砧賈誼上書才調別杜陵憂國鬢毛侵當年衰頹
成何濟猶自江湖一寸心

關山月

關月明於晝征人晚未還高樓有思婦一夕損朱顏

馬汝驥五首

汝驥字仲房綏德州人正德丁丑進士改庶吉士諫
南巡杖闕下出知澤州召還爲編修歷修撰司業南
右通政就遷國子祭酒擢禮部侍郎兼侍讀學士贈
尙書諡文簡有西玄集八卷

藝苑卮言馬仲房詩如程衛尉屯西營斥蟻精嚴甲
仗雄整而土乏樂用之氣

四友齋叢說馬西玄遊西山古詩清警藻綯
田按侍郎詩鏤金錯綵頗極璀璨之觀惟少變化

戊籤卷十三

十

城南園亭燕集

闌闌苦紛雜引轡南郊園陰林旣攢岫名花復繞原矚目倏
清曠矧乃陪高軒芳絃薦綠水旨酒傾金尊攀桂長淹留折
蘭成笑言情洽禮或簡時暎道並存共美邱壑放何羨霄漢
翻歡樂亮難久感慨願已煩流鶯遙自集香草萋更繁百年
事未測何用勞心魂

元日祀孝陵和通參一首

高皇弓劍遠禮報有祠官鬱鬯開元祀松楸改歲寒神光浮
翠壑瑞氣遶朱闌對越聞周頌貽謀萬國安
晨光浮寢殿松柏踏微分玉豆修元日金燈結瑞雲一戎開
國大八葉泣天勤內使題新句青藜照紫氛

駕幸西壇

龍擘鼓角傳鳳駕出春田芝蓋晴團日霜戈曉拂天壇開仙陌草幄引御醴煙潘賦今誰奏遙聞賜綺筵

答江子謁陵之作

王氣浮周邑仙才表漢陵西山盤玉殿北斗錯金燈霜露簪纓謁風雲劍鳥升龍髯攀望地翠木繞寒藤

王誼十三首

誼字舜夫白水人正德丁丑進士除工部主事歷刑部員外出爲山西僉事有彭衙集九卷

對山集舜夫才情之妙機軸不凡蓋作者之雋藝苑厄言王舜夫詩如敗鐵網取珊瑚用力堅深得寶自少

戊籤卷十三

十一

列朝詩集舜夫有高才而無貴位故多煩促唯殺之音五言隱秀時可尋味田按舜夫詩集存詩太多燕蔓不翦時有俊篇不愧名家竹垞嗤爲關中下農無乃唐突

閒居雜興

日月不照愁天地不哀死豈特造化乖杳冥存至理昔聞商山翁採芝餐石髓末世重浮華泯沒如蟲蟻

夜發

別葉悲修幹飄蓬憶本叢莫言曾固帶俱是逐秋風迢遞天涯遠倉皇吾道同愁心懸更切白髮欲成翁

撥悶柬張用載員外

嗜酒眞吾性爲官不近名薄祿遊帝里漫刺向公卿去已慚亭伯狂甯學禰衡相知憐汝在江海共含情

端陽後一日南湖亭子讌集

歲月虛爲客，乾坤限此亭。曲池一水綠，細雨亂山青。滂澗魚能樂，招呼鶴最靈。酒杯天貰汝，入手莫教停。

山行

絕壁纔容步，孤岩穩著花。春風不世態，此地亦年華。黃鳥學兒語，白猿作道家。平生愛泉石，隨意宿雲霞。

不寐

旅次嫌多事，羈危轉獨身。馬牛須任汝，形影自相親。久別樊川勝，如何太白春。心傷渾欲碎，空老未歸人。

曉雨登舟

泛舟此河曲，曉雨生微涼。瀟瀟酒鷗波，淨夷猶洲渚。長雲霑翠

戊籤卷十三

三

壁，濕日沒青林。光多興未云，已遙從覓酒漿。

晚坐

浮雲起層漢，迴野生微陰。獨坐廣庭暮，愛茲嘉樹林。青山入復暝，黃鳥寂無音。搔首悲歌發，悠悠傷我心。

秋日山行

長川滂東驚，白日忽西歸。秋色浩無際，寒天孤鳥飛。風霜羈旅切，關塞故人稀。九月黃花節，淹留感授衣。

望秦陵

寡昧慚樗散，休明憶聖朝。風雲猶鬱鬱，松柏竟蕭蕭。弓劍仙原闕，謳歌帝德昭。放勳如可作，直欲贊神堯。

冬日訪吳園贈主人

村徑還蕪滅林居亦晝閒
檻雲輕到竹門雪暮連山
雙舞隨玄鶴孤飛放白鷗
心期真出世幽事自相關

見碧堂卽事

見碧堂中春晝靜
主人好事卻攜壺
獨留古木爲鄰並
一任幽禽相叫呼
泉石自耽遊鹿豕
衣冠不識有公孤
對君堪笑青雲客
三十爲郎一腐儒

識野別

官柳石橋風日幽
祖筵春水席邊流
浮生行樂有誰厭
爲別多情難自由
黃鳥銜花逐燕子
青山閣筆對林邱
芳年勝集那能數
往事關心老去愁

汪應軫一首

戊籤卷十三

三

應軫字子宿紹興山陰人正德丁丑進士改庶吉士
諫南巡廷杖出知泗州嘉靖初遷戶科給事中改南
尋出爲江西僉事引疾歸起故官提學江西有青湖

文集十四卷

田按青湖南巡大禮皆以直諫著議大禮時以戶科
改南故不在受杖之列詩非所留意然風送飛花入
硯香池塘新句夢生涼村家崧晚無新歷山鳥一聲
知是春驛路送人千里月鈞臺遲我一帆風水檻煙
波雙鳥白雲門花竹六橋深亦佳句也

江寺同馬子莘遊

濱江十里文通宅江上寒潮日夜哀
彩筆已隨春蜺化遺文空對野花開
六朝賦手誰能敵古寺遊蹤我暫來
莫怪風流憐宋玉夕陽千古一荒臺

過樂遊亭聞竹聲摘蕉葉書一絕送世明兄

臨階倚修竹風從竹梢起秋雲段段飛美人隔湘水

王鳳靈二首

鳳靈字應時莆田人正德丁丑進士授刑部主事歷
郎中出爲襄陽知府歷官廣西參政有筆峯存稿

送鄭少谷歸鰲峯次韻

貧病今如此遠遊意若何冥鴻歸路香芳草故園多郎署慚
何補鰲峯好放歌無能共把臂長嘯入煙蘿

過分水關

無情如此水各傍故山流何事山中客年年作遠遊

鄭洛書一首

戊籤卷十三

十四

洛書字啟範莆田人正德丁丑進士授上海知縣擢
河南道御史出爲南畿提學以憂歸起故官以誣免
有思齋文集

木蘭晚泛

蘭谿歸路晚款乃棹歌喧拳鷺依沙聚唳鴉繞樹翻山容全
黯淡野色漸黃昏仰見林端月纖纖露一痕

楊士雲七首

士雲字從龍大理太和人正德丁丑進士改庶吉士
授工科給事中改吏科有弘山集

慎南詩略給事以病辭歸環堵蕭然手不釋卷與楊
升菴張弼山友善升菴贈詩云螭頭早挂進賢冠跡
遠東暉玉筍班倦意已還飛鳥外歸心元在急流間
仙郎高議留青瑣學士新詩滿碧山十九峯前同醉

處夢中瓊樹幾回攀
田按從龍名在楊門六學士之列詩品可與張禹山
方駕非徒性耽吟詠兼博涉典籍集中讀尚書石經
等詩非學人不能著也

讀東坡書東臯子傳後

不飲喜客飲家常多釀酒無病憂人病蓄藥欲來取藥病輕
吾體客飲適吾口得意專自爲此樂人知否待詔醞三升東
臯給一斗東坡月釀醕復賴五太守氣味類相似千載可爲
友

憂旱

農家望有年得雪衆方喜天胡愆雨期曠早復茲始蘊隆蒸
六合赤地幾千里安得呼天公雷車卽奔駛亦欲訟風伯金
蛇掣無止翻騰四海波倒瀉銀河水慰茲大地渴一灑山川
煨中有感通機庶徵乃其理願修雲漢誠斯異或可弭

戊籤卷十三

五

八日

此日占宜穀連陰喜復晴燕風溫旖旎山雪畫分明胞憶紅
綾餅香聞七茶羹饗頭春酒滿對客勸飛觥

升庵先生至榆

卧病青山舊龍鍾白髮新相逢一笑後又別幾回春檐燕去
來數江花開落頰冷然仙馭至喜得挹清塵

八日

此日是靈辰焚香拂座塵羲皇經一卷七十六閒人寒勒花
遲發春催柳未勻回風飄急雪山色玉嶙峋

次韻酬升庵太史

曾伏青蒲地上冠久虛華蓋殿東班直從董賈敷陳後未數
王楊伯仲間徵召幾時天北極高名千古博南山九龍池畔
相思夢寸碧遙岑幾度攀

田按博南山人升菴別號

石經

洛陽四十六碑亭太學門前看石經遷鄴半殘千古迹入關
誰續六書形雨餘礎柱苔文綠雲裏浮圖鳥篆青獨有開成
遺刻在至今猶自說熹平

許相卿 六首

相卿字伯台海甯人正德丁丑進士官兵科給事中

有雲村集十四卷

戊籤卷十三

去

四庫總目相卿詩五言有大歷之調七言出入於陳師

道陳興義間

橋李詩繫相卿號九杞乞歸後以鹽邑紫雲邨山水
佳勝移居村南茶磨山別石引泉疏畦藝茗時勝黃
犢短蓑高笠二鶴自隨往來山谷間膏大雪上雲岫
絕頂賦詩人望之以爲神仙自號雲村老人又於永
安湖買山置杜曲岡雲濤莊後人因名其山曰九杞
最爲夏忠愍所重忠愍召起道經嘉禾以書致相卿
與決進止於時潘臬郡縣嚴舟祀候道相望也相卿
葛巾荔帶刺一小舫詣夏問曰僕此出何如相卿
不答第言可惜李長源卻受觀察判官夏正襟起謝
曰便當疏辭以奉明教須臾搥鼓迴帆顧諸祇候一
時散去夏憤然遂不果辭卒及於難相卿詩多清冷
有丰骨

田按雲村以直諫名乞歸後入西村詩老小瀛洲社
又爲孫太初置鶴田可稱好事詩格不甚高而人品
既超自無俗韻

宿石門山房

塵土三年夢雲林
騰日遊小招聊擬賦
多難獨憑樓月色千

山午江光滿意秋心期應共汝投老白蘋洲

南樓

幽興屬遐眺凭高散餘醺徘徊出海日邂逅還山雲度鳥江
天永斷疑吳越分超然俯清曠何處有塵氛

山陰夕感懷

酒冷香銷夢不成逼人殊覺歲崢嶸老如舊歷渾無用醉戀
殘燈亦暫明雪散已應隨臘盡梅花甯復與春爭向來筋力
虛名盡白髮無愁也自生

靜志居詩話雲村詩取適意集出其手自刪自題絕
句云雲村病老語多嗶造次詩成雜宋腔還溯開元
論風格拾遺壇上樹旌幢由今誦之諸體亦自清潤
不全難以宋腔也若老如舊歷渾無用病戀殘燈亦
自明此則空腔之佳者

戊籤卷十三

七

獨往

興到海濱成獨往千林風日淨娟娟寒山病骨晚爭瘦白鷺
滄波秋可憐天地間愁塵夢醒煙霞勝事草堂偏斜陽深徑
漁樵盡弄影蕭蕭石上泉

題扇畫

遠路歸來已白頭豐厓猶似舊時秋長藤短褐行吟處不道
山翁是故侯

月林僧舍

月午天霜破衲寒梵音蕭颯度林端經殘香燼秋寥次時有
風枝語夜闌

朱豹一首

豹字子文上海人正德丁丑進士除奉化知縣改餘姚擢監察御史出爲福州知府有朱福州集六卷

過靜安寺

空山無事易黃昏僧抱孤雲卧竹根寂寂迴廊春欲暮落花滿地不開門

郭波一首

波字澄卿閩人正德丁丑進士官戶部主事有巖存

稿

夜坐

蟲鳴四壁靜露濕山月冷雲外鶴不歸孤松散清影

戴賢一首

戊籤卷十三

夫

賢字時重鄞人正德丁丑進士除刑部主事歷員外出爲四川僉事以事奪職起河南僉事歷江西參議遷副使改雲南廣西進江西參政山西按察使歷廣西四川江西布政使以副都御史巡撫四川有中丞遺集八卷

張時微芝園定集中丞負恢廓之才不屑屑爭雄鉛槧然長篇短咏流布人間識者寶之甬上耆舊集中丞詩老健蒼涼是一作手

六月旣望同時化弟謁甬川太宰還舟中述懷

放舸城南觸熱新濯纓欲傍滄江蘋濕雲挾雨時過水晴鷺將雛翻趁人偶向竹洲緣窈窕徑須松壑上嶙峋祇今多病兼樗散浩蕩輕鷗覺汝親

胡侍一首

侍字承之咸甯人正德丁丑進士除刑部主事歷員外遷鴻臚少卿坐議大禮謫潞州判官以事逮至京斥爲民

藝苑卮言胡承之詩如病措大習白猿公術操舞如度擊刺未堪

登漢武帝立都壇

曲磴回谿數百重漢皇行幸有遺蹤海西不復來三鳥巖畔虛傳駐六龍碧露暗滋金洞草紫雲常護石壇松便應別著登山履策杖高尋玉檢封

陳文沛一首

文沛字維德長樂人正德丁丑進士除工部主事歷

戊籤卷十三

九

郎中出知撫州府改蘇州歷霸州兵備副使進陝西

行太僕卿有世槐堂稿

驛馬關

磴道迴岡麓烟村擁野城逢碑欲弔古別薛始知名關隘三秦轍江山萬里情孤燈愁絕處風雨送秋聲

汪佃一首

佃字友之弋陽人正德丁丑進士改庶吉士授編修遷侍讀以講書不稱旨謫甯國通判起禮部郎中遷

太常少卿有東麓稿十卷

李默羣王櫻稿大江以南兄弟並居詞苑著聲聞者有汪氏長曰石潭次曰聞齋其季東麓文章師承得之先輩以時好輒廢繩墨田按史稱張璠初拜學士諸翰林恥之不與並列璠

深恨及侍讀汪佃講洪範不稱旨帝令補外總乃請
自講讀以下量才外補改官及罷黜者二十二諸
庶吉士皆除部屬及知縣由是翰苑為空余檢嘉靖
實錄與史合實錄云帝以侍讀汪佃講書遲鈍外調
改育國通判查夏重西江志曾賓谷江西詩徵云佃
以編修議禮不合出為松江同知非其實也詩綜亦
不詳佃仕履因特著之

水陽舟中

一簇炊烟暝色昏短籬疏竹數家村逢年田舍渾無事風雨

蕭蕭對掩門

林希元一首

希元字思獻晉江人正德丁丑進士除南大理評事
謫泗州州判歷大理寺丞謫欽州知州累遷雲南僉

事有次崖集十八卷

戊籤十三

辛

四庫總目希元之學宗其鄉人蔡清故於明代諸儒惟
推薛瑄胡居仁與王守仁同時而排其傳習錄最力
雖與守仁門人李本同年相善而與本之書亦不少
假借其師其祭守仁文但推其功業而已無一字及
其學問也至其氣質剛急銳於用事則類其鄉人陳
真晟故其為南京大理評事則忤江彬忤御史譚會
忤大理寺卿陳琳坐謫泗州州判及為大理寺丞又
請勦遼東叛兵坐謫欽州知州官廣東時值安南莫
登庸篡國力請討之疏凡六上竟坐是計典歸歸
後又以爭郡邑利病幾中危法其負氣喜任事蓋可
想見其由泗州再入大理也蓋方獻夫霍韜薦之故
與二人頗相契集中與周石厓書亦自稱氣味與兀
厓相似又自稱大禮安南之議所見與兀厓同兀厓
者韜號也然在泗州時張璠桂萼欲引之同議大禮
終謝不行則諸人固不足為希元累矣集中何與汪
可亭書曰今海內推大家者力挽頽風以還之古似為
一時文人也然考其所得典故已乎盤詰已乎余皆
未能知也云云則非惟學問闕姚江即文章亦闕北
地信陽故其詩文皆惟意所如務盡所欲言乃止往
往俚語與雅詞相參儷句與散體間用蓋其素志原
不欲以是見長云

雨中懷林汝桓同年

春園花已落，況復雨淋漓。寒到惟慙酒，愁來或點棋。故人千里外，強頂一官卑。欲寄相思信，何緣到海涯。

李士允一首

李士允字子中，祥符人。正德丁丑進士，歷官陝西參政。兼苑馬寺卿，有山藏集。

藝苑卮言：李子中詩如刁家奴、輝赫車馬、施散金帛，原非已物。

舟次吉水

沙迴運雲氣，江清蕩水文。鷗行一鏡轉，猿嘯四山聞。楚風煙接秋，冬氣候分。愁心與秋葉，天外共紛紛。

李鶴鳴三首

戊籤卷十三

三

李鶴鳴字九臯，義烏人。正德丁丑進士，歷官大理寺丞。田汝九臯詩頗綺麗，亦能作清俊語。

閨情

柳條垂綠東風柔，斜日杏花紅欲流。畫樓簾捲珊瑚鉤，美人翠斂纖蛾愁。山長路杳音信遲，空憐紫燕雙銜泥。辛苦營巢傍綺閣，墮淚不必烏夜啼。

山居

石壁日初上，春山風乍晴。偶隨黃犢出，閒傍綠溪行。幽鳥澹無語，落花如有聲。迴看飛瀑下，樹杪白雲生。

雜興

朱陽媚初夏，庭宇生閒情。餘寒戀春服，浮陰妨晝晴。雲顏山

翠重雨過林香清興至發高詠澹然心自平

柯維熊一首

維熊字奇徵莆田人正德丁丑進士除行人遷工部
郎中有石莊集

撫松亭

自與世相違甯論生計微沙田秋後熟漁艇夜深歸種樹曾
鈔譜灌園甘息機本無食肉相非戀故山薇

王漸達一首

漸達字用儀番禺人正德丁丑進士授刑部主事家
居十年以薦起官言事不報復乞歸隆慶初追贈光
祿少卿有青蘿集一十卷

戊籤卷十三

三

梅花寺

梅花舊名剎此日又相過地僻羣蘿合山深寒雨多古碑還
半蝕丹竈已傳訛惟有蒼蒲草春來綠滿阿

曹嘉一首

嘉字仲禮扶溝人正德丁丑進士選庶吉士改御史
以言事謫大名推官尋復故官再以言事下獄謫禹
城知縣降茂州判官尋復職出爲山西提學副使終

江西布政使有漫山集

藝苑卮言曹仲禮詩如公孫大孃弟子舞劍頗見淋
漓見其簡者不覺愴然

聞雁

運翮升紫塞嘹唳過秋城此夜高樓笛懷人幾度橫

江暉一首

暉字景孚仁和人正德丁丑進士改庶吉士諫南巡
杖闕下出為廣德知州召授編修進修撰遷河南按
察僉事有直髮子集

明詩選陳卧子曰景字好怪合者亦六朝之遺
列朝詩集景字為文鈞立體祕雜以古文奇字聲牙
詰曲令讀者謬根眩覓了莫能句隱口汗顏而罷徐
而釋之卑之無高論也與汪人曹嘉東楚王廷陳秦
馬汝驥齊名一時有曹王江馬之稱集名直髮子取
山海經直髮山有鳥食者不妬之義以自寓也王稚
欽有詩嘲之云江生突兀揚文鋒千奇萬怪誰與同
博物豈惟精爾雅識字何止過揚雄求深索隱苦不
置一言忌使流俗同令弟大篆逼鐘鼎絕響恥作斯
邕等生也為文遺弟書一出皆稱二難並縱有楚史
不可讀滿堂觀者徒張目少年往往致譏評生也不
言但捫腹好醜從來安可期豪傑有時翻自疑請君
寶此無易轍聖人復起當相知

戊籤卷十三

三

謝政志喜

雲戶焚魚珮煙汀放鶴舟寂寥歌白石浩蕩想丹邱挂席牽
風穩垂竿颺月流故園松菊在聊得慰窮愁

葉桂章一首

桂章字名山人正德丁丑進士改庶吉士授編

修遷侍講

宿勝上人禪堂

開土禪堂寂重來卧白雲地偏花竹淨身與鹿麋羣峯影窗
前暗鐘聲定後聞十年南劍路長愧北山文

彭簪一首

簪字世望安福人正德己卯舉人除衡山知縣遷知

靖州

懷念菴太史

每爲思君坐晚霞那知人境卽天涯可堪山閣連旬雨又是
春風一响花何處清江橫浦樹誰家明月映溪沙竹巖花谷
無窮意長望公來點物華

徐哲 一首

哲字成夫南海人正德己卯舉人除新城知縣有半
城集

清明

驛路春將暮江流夜不停孤舟隨去住一雨過清明野墓芊
芊草荒園樹樹鶯臨風閒縱目鄉國倍關情

戊籤卷十三

三

方邦望

二首

邦望字表民閩人正德己卯舉人官惠州推官有平

洲稿

送戴廣文

聞鶯懷故林騎馬出江潯共惜先生去誰知隱者心春風吹
祖席山月照離襟他日思安道悠悠剡水深

送何刺史之南中

揮袂別親知王程宿有期幾年遊嶺海萬里向滇池樹擁彤
旌轉花明墨綬垂遙思政成暇爲訪碧雞祠

張鉉 一首

鉉字叔治鄞人正德己卯舉人有鳳山稿

七夕詞

憶昔明皇清夜遊曾誇比翼笑牽牛長生殿上金蓮燭不照
驪山草樹秋

戊籤卷十三

五

戊籤

陸鈇 十首

鈇字舉之鄞人正德辛巳第二人及第授編修出爲湖廣僉事歷江西參議遷山東提學副使有少石集

十三卷

田按少石詩多鬱而未暢錄其音節爽亮者亦是嗣

秋溪

搖落楓林候溪光淨可憐蒹葭明遠浦鷗鷺下平田暮艇滄浪曲晴窗秋水篇嗟余形役者訪戴定何年

戊籤卷十四

開元寺

寶梵開珠藏龍池但劫灰何年歸帝子此地復樓臺日月金輪轉笙簫玉宇哀山靈莫惆悵拄杖我重來

學臺秋集

嘉會啟清節賓筵禮上英鮮飄洒層宇流景耀邃叢候更令始栗天高氣乃清時菊布華彩秋蘭綴玉莖敞席爛綺繡列俎差瑤瓊廣樂沸中除靈囂震前楹颯颯奏周雅呦呦歌鹿鳴颯沓珠履集續紛星弁迎升階等魚貫班坐似雁征東壁葦文宿西籬觀德型肅虔若儀軌溫穆款道情旅酬既卒爵終燕鮮愆程嗟余信寡昧接歲忝稱名倡導謝師訓切磋惟友生蓬麻賴扶植芝蘭藉德馨屬茲選舉備欽皇文教成珪

璋薦清廟麟鳳羅廣庭棧有遺響菁莪厠頌聲哲后敦化
理君子茂休貞所期勤志業宏樹翊昌明

武當宮

仙宮積翠凌空起飛磴盤梯上界寬五嶽雲霞朝絳節三天
星斗傍朱闌琅函日靜蘿煙繞石竇春生玉髓寒塵土十年
思羽翼洞霄何日乞祠官

贈白厓子

白厓溪流石齒齒蘿洞霧合花冥冥君愛紫泉築堂靜我攜
素琴過月明東遊天姥涉滄海南望鍾山賦玉京歲晚冰霜
重相許碧梧紫竹談心盟

重過芳洲和王定齋韻

戊籤卷十四

二

平湖淡蕩淨煙霧誰人卜築林塘幽麗日濃花已干樹截波
錦鱗須萬頭不辭深杯恣佳賞已覺爽氣凌高秋鄭谷秦樓
幾塵土曠懷寂寞君爲酬

郊行

杖藜出郭謝塵事野曠物態怡心神鷓鴣晴沙意自得菰蒲
小閣花鮮新江湖滿眼不一醉歲月如流能幾春碧草萋萋
上煙壠越王臺暮山鬼鄰

滕王閣晚眺

樓上煙霞回浦激樓中簫鼓暮銜杯江光半隱漁燈亂木葉
驟鳴山雨來萬井兵戈餘野哭千年帶礪依荒臺古今帝子
俱消歇王粲禰衡空爾哀

廬山二絕

可惜南唐寺誰招後主魂小樓吹玉笛遺響不堪聞
參差萬樓閣恍忽見諸天僧住香爐頂半空燒紫煙

張治 十首

治字文邦茶陵州人正德辛巳進士改庶吉士授編
修以修明倫大典成擢贊善進諭德以翰林學士宣
諭安南未行遽止擢南吏部侍郎改北進南吏部尚
書召拜禮部尚書兼文淵閣大學士加太子大保諡
文隱隆慶初改諡文毅有龍湖文集十五卷

雷禮鐔墟堂稿文毅奉制及應酬諸作脫腐遠俗歸
古典則
藝苑厄言張文邦詩如藥鑄鼎燦爛驚人終乏古雅
國雅張文毅才雄思瞻抽緒錯綜岌然衡岳之秀

戊籤卷十四

靜志居詩話張文肅夜過洞庭詩云曉發吳閭門夕
渡廣陵汴日暮江帆遲洞庭三百里微風淡無波明
月照天水隱隱見君山鐘聲翠微裏是吳地也而混
於楚矣鄙善長北人未折南條諸水注水經二湖俱
以洞庭為目誤也文肅家茶陵與洞庭湖密邇豈得
沅湘者舊集龍湖先生詩體裁正大詞旨悱惻以之
嗣響西涯殆無愧色
田按文毅當議大禮時附和張桂與編修孫承恩
道南王用賓俱與纂修明倫大典之列未滿考擢贊
善龍湖集中頌羅峯閣老詩備極推崇厥後廷推閣
臣世宗持之十日以南吏部尚書召入殆猶憶議大
禮功耶五七言律體特饒清音詩綜專錄七絕殆未
見龍湖全集歟

白溝河

白溝河水浩浩昔時戰場今成車馬道向來棄骨不可收
千古殘魂哭秋草白日照地寒雲黃一溪落葉無人掃世事
悠悠甯足論過客空悲天地老

贈史給事出判通州

燕京木落秋初深，高雲白雁寒蕭森。
玉壺載酒送君去，千里青山愁多陰。
我欲贈君綠綺琴，一彈一曲傷人心。
海門月出江煙薄，惟見滄波澄碧林。

酬友人

花下疏鐘靜天涯，獨客愁功名揚子閣。
詞賦仲宣樓杜若，滄洲雨春潮野渡舟。
有懷吾共汝，雙鬢愧清秋。

城上

縱目南樓晚蒼蒼，落日昏城回山不斷。
沙白水無痕，疏雨誰家樹濃花何處村。
漁舟雙盪槳杳杳下江門。

江宿

戊籤卷十四

四

移舟下極浦，倚岸卽斜曛。
淡淡月臨水，微微星出雲。
流螢散高影，暗水聚寒蚊。
山中宵至淒然不可聞。

湘中憶鄭栗齋憲僉

細雨春帆溼孤舟，江色開岸花當水。
出沙鳥傍人來綠草湘，如廟青山帝子臺。
湖南霜氣重遙憶子真才。

下觀湘閣與彭大尹宴別

湘江東下應千折，一水中分十里洲。
岸坼孤臺浮地出，窗開雙練挂天流。
芳蘿春煖生香細，殘櫓風輕落韻柔。
萬里未辭孤棹往，一尊聊爲故人留。

聽雪

草閣冬深睡初足，忽聞寒雪下。
逡巡空檐簌簌仍兼雨，虛枕

蕭蕭欲近人鴻雁天南無一字兵戈塞北有驚塵生涯落魄
年將暮羞見梅花幾樹新

再寄雙石

湖上寒風吹月明孤舟官燭照灘聲美人遠隔青山暮此夜
相思白髮生客淚暗隨江雨溼愁心遙度塞雲平多情不及
中流水日夕悠悠向北傾

懷真齋江司業因羅子鍾寄去

憶昔追隨供奉地江淹新賦動長安離羣卻恨相思苦直道
空嗟行路難楚日斷雲孤雁遠白門紅葉萬峯殘愁心欲逐
題封去江水茫茫秋兩寒

楊麒一首

戊籤卷十四

五

麒字仁甫上饒人正德辛巳進士除長樂知縣改潞
縣徵授吏部主事出爲福建按察僉事遷南通政參
議歷應天府丞南光祿寺卿改北擢工部侍郎進南
工部尙書有司空集二卷

題隱居草堂

花中池館柳邊橋卜築溪村幽思饒對酒放歌消白日不知
城市有塵囂

敖英十二首

英字子發清江人正德辛巳進士除南工部主事歷
禮部郎中出爲陝西提學副使改河南進四川布政
使有心遠堂稿

西江志子發在當時盛有詩名人稱之爲敖清江田按子發綠雪亭雜言云近見一種文家險澁其語以爲奇僻怪其字以爲古隱晦其意以爲深突兀其體以爲高蓋以盤庚爲古文之鼻祖而淺視史記漢書以樊紹述爲古文之宗子而下視韓柳歐蘇鯨吞鯨并牛鬼蛇神瑤翻碧豔鬼眼傾耳揮霍自恣居之無疑噫弊也甚矣蓋亦不隨時好爲步趨者詩亦有標致

憶湖南舊遊

孤帆忽西邁，超忽憑虛遊。江風出斷岸，細雨菰蒲秋。美人隔湘浦，遺我珊瑚鉤。安得雲間鴻，一寄心之愁。

長干行

鴨嘴岸低春水滿，水邊膩綠蒲芽短。誰家兒女採蒲芽，髮溜寶釵金鳳斜。娉婷自信心如鐵，坐閱江流千萬折。歸來結鏡思獨苦，露滴風檐月亭午。

戊籤卷十四

六

下第南歸

黃金臺下客，去去復奚疑。僕僕憎行李，居人勸酒卮。九江春草綠，孤棹北風遲。卻笑無鹽女，年年學畫眉。

野望

望中齊魯曠，一雨洗春柔。山影凌波亂，花光約樹浮。羣妖仍瀕洞，孤棹正夷猶。南斗江湖外，何人倚劍愁。

雨花臺

雨花臺上無花雨，此日登臨踏古苔。清梵不聞重說法，亂山依舊對衙杯。六朝蔓草天邊去，萬里江流席下來。回首長干笳鼓動，城南燈火映樓臺。

連雲棧

朝朝木末行路險色惆悵絕壁何蒼蒼猿聲在天上

秋興呈邊華泉

池頭一雨送新涼小坐茆亭月近床和得竹枝三百首西風
無雁寄瀟湘

出郊

春事不知還幾許城南今日探芳菲鳳凰臺前好春酒醉到
日西騎馬歸

宿烏鼠山野館

西風無伴獨登樓烏鼠山空鴻雁秋家在五湖煙水外何人
燈下說邊頭

毛女圖

戊籤卷十四

七

毛女翩翩骨已青往來西華弄寒星無端回首人間世風雨
年年怨茂陵

歸田志喜

江心桃竹可爲杖拄杖還山不受呼要與林逋同放鶴六橋
春水隔西湖

昭明太子蓮池

年年池上蓮花紅啾啾怨鬼颺青楓臺城同泰久蕪沒殘僧
猶打南禪鐘

張袞 三首

袞字補之江陰人正德辛巳進士選庶吉士授監察御史復改編修歷侍讀諭德進侍讀學士遷太常卿

左遷南太常少卿就遷光祿卿有水南集十一卷

田按水南絕句極有風致

雪後放舟淮河

風帆遠下疾於鳥萬里長淮帶雪流岸上好山如待客可無人與畫江洲

和顧東橋新營息園

每多幽興在濠梁曲曲京江見野塘風磴雲門時隱見有誰題作浣花庄

閒情示邢道士

秋蘆江上白紛紛鶴渚鳧汀杳莫分寄語水雲邢道士卻從何處謁仙君

戊籤卷十四

八

張鳳翀

一首

鳳翀字岐山甯州人正德辛巳進士官南監察御史

書懷十首

錄一

雲和閣繡戶錦鞦住誰家凝思久無語數徧砌前花

田按岐山自注云正德十五年予備數甲榜時甯藩不軌上南征駐蹕南京予輩俟廷對於京師一年有餘同列拈杜句感時花濺淚恨別鳥驚心為韻因賦短章考此年為庚辰越歲廷對為辛巳凡州縣志多稱此榜進士為庚辰者皆未詳此時事也

王同祖

二首

同祖字繩武崑山人正德辛巳進士選庶吉士授編修以事罷歸起原官兼春坊校書進南國子司業有大

史詩集六卷

弁州山人續稿司業詩采建安六季之才而歸開元

大厯之格梅花草堂集繩武宏博為文章操紙筆立書融暢爾

雅居然合作在朝多所建白識者謂有出入將相之

畧弱冠登籍垂三十年立朝者僅五閱歲卒以諫死

天下惜之田按繩武以世宗久居西苑不視朝時有宮女楊金

英之錢疏請還大內改元忤旨奪職放歸兪州序司

業集謂集中疏多國家大計嘗請祀薛文清於孔廟

申明太學四事九廟災請以春秋哭災禮從事又謂諸

陵題主傲日中反虞之義不得以吉禮從事西室以備

廟石室藏主為宗祏公羊高曰主藏廟室西室以備

火災漢儀藏主西廡增中瑄即石室也北虜猖獗疏

請使使齋遺金帛於別部勁虜俾為外援得間則以

一軍出雁門一軍出居庸左右犄角其語甚壯慨然

以賈長沙劉中壘陸忠州自居今檢明人選本無及

繩武文者錄其詩附識於此

吳門遇邵仲德

三月逢君吳子城百花洲上倉庚鳴晴川著雨波汎汎野館

戊籤卷十四

九

落日春冥冥樽酒欲傾還惜別逐臣相對自關情長沙此去

應無鵬宣室何時召賈生

張比部子儀攜酒見過分得年字

白水青山春可憐野塘花竹淨娟娟東風門巷多芳草落日

江湖有杜鵑高臥馬卿愁病渴長齋蘇縉愛逃禪卽看載酒

尋盟處小閣秋雲已判年

吳廷翰

四首

廷翰字崧伯無為州人正德辛巳進士授兵部主事

改戶部吏部歷員外郎中出為廣東僉事改浙江遷

山西參議有蘇原先生集二卷

田按蘇原七律疏爽集中佳句如自來說法寺牛叟
雙去吹笙白玉童管仲臺前春草亂黃公石上暮雲

生念子久傷豺虎地使人愁對鷓鴣臺峽口草生銅
柱沒廟前月出石牛寒湖上青山芳草夢渡頭黃鳥
落花情滿浦葉聲飛晚照隔江峯影落秋雲滿地清
秋雲片片三更脩竹月娟娟久病忽驚詩卷瘦老癯
難借酒杯寬皆可誦也

寒東王繩武陸伯載

北地時節苦不早不謂四月寒見侵風吹薊門日色薄雲入
西山雪意深邊城蕭蕭鳴戰馬野田啄啄下饑禽可憐寺裏
淮西客幽獨傷神青竹林

送滏涯太守入覲

此邦爲政多休暇山水何須羨永嘉齋閣留賓開一榻湖亭
對酒得孤槎憶歸春日牽楊柳送別寒城隱菊花清問祇今
勞側席使君何以答重華

戊籤卷十四

十

逸山魯君隱居

闕下歸來今忽老偶尋此地作幽棲茅齋寂寞緣孤徑野樹
參差帶小溪酒旆斜連官渡口釣船常在石橋西槎亭最喜
相隣近短杖從今得共攜

白頭翁

點點綠殘荷葉渚枝枝紅映蓼花洲可憐秋水清如許閒與
幽禽照白頭

何棟一首

棟字伯直長安人正德辛巳進士授河南道御史改
宜興知縣遷順天通判歷工部郎中進右通政太僕
卿以左僉都御史巡撫大同左遷四川參議用薦起

右副都御史提督薊州進兵部侍郎擢右都御史有
太華集

望湖亭

丹磴入青靄瑤亭俯翠巒晴軒一以眺湖漲正瀾漫波影含
雲細荷珠滴露圓須臾明月上坐對水晶盤

李默一首

默字時言歐甯人正德辛巳進士選庶吉士改戶部
主事歷兵部員外吏部郎中以事謫甯國同知屢遷
浙江布政使入爲太常卿掌南國子監事擢吏部侍郎
郎進本部尙書兼學士加太子少保爲嚴嵩趙文華
構陷下獄痕死隆慶中復官萬厯中諡文愍有羣玉

戊籤卷十四

樓臺七卷

田按文愍羣玉樓稿有上三宰相書曰此者降發中
之詔修胡戴之功執事首膺異數進秩諸侯可謂曠
世傳談矣然外內譁然不決衆懷其說有二小人曰
相公汰冗食正典禮義不假於君親而乃自利其
君子曰相公畢命之臣無利之心雖然三子並拜而
宮掖乖五侯並封而武氏橫相公不鑒功名自此去
矣夫是命也執事謂盡出上旨哉即不過左右憑藉
以階寵耳觀其敘列吾黨不及三廷而此輩已居八
九則其情狀先已敗露矣蓋爲楊廷文愍直諫亦有
定策功封伯爵發也三人卒能固辭文愍直諫亦有
足多者集中文學步昌黎不拘李何成說詩則頗傷
率易

江上訊故知

憐君四十不稱意獻賦金陵仍未收爲客傲裘曾賈酒經秋
零雨幾登樓釣鰲無計悲公子埋劍何年射斗牛我亦長沙
留滯久江離汀芷共牽愁

童承敘 二首

承敘字士疇一字漢臣沔陽州人正德辛巳進士改
庶吉士授編修進侍講歷中允洗馬國子司業左春

坊左庶子有內方集十卷

靜志居詩話庶子與張文邦廖鳴吾號楚中三才不
陵以從龍侍臣遇之詩篇此廖差優

湖北詩徵傳畧內方集多佳句可錄如忽抱澧蘭思
坐乘秋水來林泉停返照樓閣動新涼衰晚饒詩意
清貧乏酒錢仲宣詞賦人爭誦平叔風流自可憐門
前自擬題凡鳥天上甯知聚德星坐愛蘋風生水閣
卧看林影落繩床皆清峭拔俗

宮詞

三三兩兩不知愁結束羅裙學打毬傍晚忽聞天樂近分明
只在殿東頭

戊籤卷十四

三

江漢歌

清江抱村村樹齊水風不動蒲雪低嬌女刺船深港裏聞歌
只在菱荷西

倫以諒

一首

以諒字彥周南海人正德辛巳進士選庶吉士歷吏
部郎中進南通政司右參議有石溪集

海珠寺別李三洲王青蘿

兩岸西風吹白蘋三城煙火隔紅塵天涯黃菊雙蓬鬢海上
清尊幾故人謀國計從窮處拙倦遊心向暮年真羅浮東去
扶桑近黃木灣頭好問津

廖道南

一首

道南字鳴吾蒲圻人正德辛巳進士改庶吉士授編

修屢遷侍講學士謫徽州通判尋復職有玄素子集

殿閣詞林記嘉靖時每遇經筵日講召講官願鼎臣

謝不及臣道南蔡昂賜資無算臣道南悉紀以詩賜

枇杷菓詩云炎日殊珍出何方賜來猶帶御園香珠

丸雲篔承優渥玉液霞罍敢自嘗賦疑上林風韻別

貢緣南國露華芳翠籠函賜同袍士蕙圃蘭皋倍寵

光賜鮒魚詩云暑雨經旬溼不開雪鱗冰艦未須南來

御庖珍饌傳中使講幄素餐忝竊慚無補魚藻空懷絕

廟鈞鰲何必羨蓬萊素餐忝竊慚無補魚藻空懷絕

代才藝苑危言廖鳴吾詩如新決渠浮楚濁泥一瞬皆下

田按學士在世宗朝頗蒙優眷纂修明倫大典成進

侍讀在經筵講洪範稱旨其說具載實錄嘉靖成感

元夕應制撰燈詩十五首以進又撰泰神殿禮成感

雪賦園邱載祀慶成九章聖主光圖陽翠嶺賦南巡

江漢賦景雲徵烈四頌皆邀香賞自徽州賜環帝親

灑鍾粹宮詞命和賜金綺有差生平著述甚富撰楚

紀六十卷續黃泰泉翰林記為殿閣詞林記二十四

卷支素子集五十六卷詩句箋字彙不稱其名

吉

登赤壁亭

亭傍石岩開風鳴萬樹哀人閒不知去鳥倦忽飛來江勢平

吞閣山形曲抱臺雲林秋色霽真自可幽懷

戊籤卷十四

周鼎

龍字天保紹興山陰人正德辛巳進士除東阿知縣

改來安擢兵科給事中改工科有定齋集十五卷

羣玉樓集定齋文酷慕西京質疏達節去雕去腐時

復為燕趙慷慨悲歌之狀詩淡者似建安沈鬱復似

少陵而瑰心奇氣若河流下龍門積石奔激不得瀉

風觸木怒號撒旋漂擊已而噫氣冷然故攬其詩若

文而志可悲也田按天保致李空同書云往寓幽燕有攜空同集過

子者予抱而讀之再三而歎之嗟夫世有是入子不

得而見之子豈人也哉其年四十有四白目易下遊

水不返陸子弱且以俟其老將奈何有四白目易下遊

陸伯放翁於卿之遺書而讀之吾意未覺其有當也

登會稽之山想黃河之流浮雲而馳征翼東向又不
能不空同之思恍慨幾於泣下誠以惜時不如立名
慕德不如勵行追古不如就今教文不如親炙此王
粲有依劉之誠張敏有夢惠之歎古今之所共親烈
士之尤甘心也空同覆書云僕少壯時振翻雲路嘗
周旋鴻鸞之末謂學必力的古苦心無益又謂文必有
式然後中諧音度如方圓之於規矩當是時篤行必
才翕然臻向弘治之間古學遂興而一二輕俊恃其
譏評高下今古謂文章家必自開一戶隔便橫肆
室謂法古者爲蹈襲武往者爲影子從附唱答響風
浪其比擬莫可止遏而後進之士悅其易從唱答響風
成俗變莫可止遏而後進之士悅其易從唱答響風
政告也又每竊歎獨立之鮮勇往之寡也今足下既
有同聲之應又相求也僕安敢終默也且乎情未
不忽近而務遠者何也知其實者少也猶乎情未
也世遠則論定持定采名則曠世相慕故漢文帝拍
髀思頗牧而不知李廣魏尚者以其近也近則疑
則實味實味則忽之矣斯時俗之重悲也今足下於
僕同時最近涉疑而不疑又無傾蓋之談接祗之雅
乃一旦走千里之使聲益而氣乏以是而的古何古之不的矣天
立之獨而往之勇也以是而的古何古之不的矣天

戊籤卷十四

古

保持有氣格而少風趣文過詩遠甚余愛二書情詞
斐然故節而錄之一二輕俊蓋指大復君采也

擬青青河畔草

春日長安陌落花何脈脈陌上草青青行人那復停歌臺臨
大路相思春日暮寶騎金作鞍遙遙花裏度去時鸞鏡臺照
郎未曾開青天挂月明弦望得歸來

王雲谷以溪山深雪圖貽我六月展玩想憶不忘時雲
谷西遊乃詠歌圖右以託意云

雲谷詩人苦詩癖時復工畫窮其力平生豪縱出萬夫不受
文詞相促迫憶昨贈我溪雪圖山石半暝天模糊中有堅冰
百丈長下垂大壑通江湖是時六月朱夏永萬里炎蒸骨殊
痛遂令寒風生我堂坐間賓客毛皆聳青松挂壁牛已僵溪

流欲流雲不揚茅堂盡亞天姥下孤舟忽出瀟湘傍王君王
君神仙侶一生好古心亦苦技兼鄭監名獨著祁岳韋偃何
足數近聞騎馬西入秦秦地山川三輔鄰他時定寫皇圖會
猛欲題詩向渭濱

楊花

三月楊花暮看花并送春茫茫渡江去白日易愁人

謝蕢一首

蕢字維盛閩人正德辛巳進士除給事中以議
大禮廷杖出知太平府未上官卒隆慶初贈太常少
卿有給諫集

楊妃春睡圖

戊籤卷十四

五

玲瓏樓閣長生殿紅塵遠隔輕風薦寶鴨香微午漏沈翠箔
珠簾語雙燕深宮無事白晝長銀床冰簟參差光海棠欲睡
嬌無力阿監雙雙扶不得沈香蝴蝶夢中飛飛來上苑戀春
輝東皇有意醉傾國獨領春風歸禁闈玉顏如花恩如海千
秋萬歲終不改漁陽鼙鼓動地來花落黃沙真可哀

楊言一首

言字惟仁鄆人正德辛巳進士除行人擢禮科給事
中以言事廷鞫謫宿州判官遷溧陽知縣歷南吏部
郎中再謫彛陵知州累官湖廣參議有集

田按嘉靖六年錦衣百戶王邦奇言哈密事請誅楊
廷和彭澤下部議未覆邦奇復請大學士費宏石琚
陰庇廷和詞連廷和子主事楮等將與大獄惟仁抗
疏曰先帝晏駕江彬手握邊軍四萬圖爲不軌廷和

密謀行誅俄頃事定迎立聖主此社稷之動也縱使有罪猶當十世宥之今既以奸人言罷其官戍其長子慎矣乃又聽邦奇之誣而盡逮其鄉里規威誣爲蜀黨何意聖明之朝忽有此事書奏帝震怒并收繫惟仁親翰於午門備極五毒折其一指惟仁有詩云云何捐臂指率爾忤雷霆絕其事也

王莊驛

春仲一到此郊原入望遙草侵山路細溪迫漲痕高驅策煩羸馬風塵闔敝袍乾坤嗟孟浪吾義更何逃

任高一首

高字元朴堂邑人正德辛巳進士官監察御史有石麟集

土木驛

百年土木蕩龍沙九月風塵擁使車白日猶餘征戰色空山

戊籤卷十四

夫

愁絕聽胡笳

吳檄一首

檄字用宣桐城人正德辛巳進士除襄陽推官遷戶部主事歷兵部郎中出爲湖廣參議歷山東雲南副使遷陝西參政有皖山集

春日過張侯亭園

五侯臺榭競芳菲三日花深車馬稀絃管不隨流水奏綺羅應化暮雲飛空聞玉饌分天府曾觀金龍捧御幃借問樓前桃李月從來此地幾人非

列朝詩集李開先游海澱詩序云嘉靖乙未三月王遵岩謫判岫陵武選吳臨山徽呂江峯高熊南沙過翰林唐荆川順之陳后岡東禮部張少室元孝李克齋遂及子共八人儀之海澱望日出阜城門至則荒

田頊一首

涼殊甚蓋張昌國以癸巳罹禍已三年矣亭臺傾圮惟水聲潺潺不異舊時酒酣賦詩皖山先成意高詞雅不減唐之名家次日夏桂洲遂劾秦張李二司屬無事慢遊下獄未久七人相次罷謫皖山幸而獨免詩卷歸予手事如隔世而人多下世愴然作序不惟感諸友之易銷歇而且歎大臣之善傾陷也嘉靖初海旋之獄與蘇子美諸人監院飲酒之事大畧相似貴溪恃寵枝橫一至於此西市之禍豈不幸哉昌國在孝宗朝科道交章論劾無虛月欽命置酒陪禮傳論守科及該道接本者俱赴席臨時又賜御物助杯盤翌日謝恩本上而劾本亦上矣故此詩有天府玉饌

項字太素尤溪人正德辛巳進士歷禮兵二部郎中

出爲湖廣僉事遷口口副使有秬山集一卷

四庫總目項詩頗爽朗蓋沿前七子之流波有意規擬唐人而模擬未免有迹
列朝詩集副使乞歸以文章自喜多所著述

戊籤卷十四

七

寄玉溪舅

廉水扶桑北石城句漏西吏情甘散地春色在扶藜椰葉斜
侵屋江魚逆上溪飄颻記鬢府淚應暮猿嗥

陳大濩一首

大濩字則殷長樂人正德辛巳進士歷官思恩府同

知有雙溪集

擬陶還舊居

六年客京邑鬱鬱但懷歸今日歸故國我心愴以悲溪山雖
則是室廬半已非出門訪鄰老往往罕復遺但見門前柳含
情尙依依回看百年內儵若車輪推老耆日以死壯者日已
衰但當與鄰曲杯酒聊共揮

王洙一首

洙字崇教臨海人正德辛巳進士除汝州判官歷官
廣東參政

鄔子驛

彭蠡深無地蒼波闊有天晚山西落日古渡北歸船樹遠煙
初散帆高風正懸孤舟憐去住翹首思茫然

蔣泮一首

泮字良潔僊居人正德辛巳進士授工部主事歷員
外進郎中

養病疏不行志感

抗疏辭明主紆詞乞病身蓴鱸空入夢簪紱苦羈人東嶺煙
花好南檐鳥雀馴何時破蒼蘚把酒席芳茵

戊籤卷十四

六

鄭一鵬二首

一鵬字九萬莆田人正德辛巳進士選庶吉士授戶
科給事中改吏科以議大禮廷杖桂萼議令科道互
相糾劾執奏非事體不受詔再受杖罷歸隆慶初贈

光祿卿

將命荆襄道中書懷

江漢在何許我馬去何遲豈不事鞭策徘徊有所思辭親遠
行役歲晏屢差池憑高恣遠眺仰眺白雲馳白雲散還合遊
子歸何時

感懷

林下碧蘿垂陰崖紫苔長欲取鳴琴彈坐聆松風響

洪珠一首

珠字玉方莆田人正德辛巳進士除戶部主事歷官

應天府尹

題畫

柴門欹側對流水石磴礧崑點落花一壑白雲秋欲老紅塵
飛不到山家

吳文之二首

文之字與成吳人正德辛巳進士改庶吉士

答德深兄

池草頻生句江魚不寄書春來小樓興應似舊時無對月閑

戊籤卷十四

九

新札穿雲憶故廬忽聞添米價千里獨愁予

聞黃季行消息

試檢來書憶故人此生吾已失元賓詩篇近寄何能及消息

初聞疑未真病裏無家行棗盡夢中有記玉樓新曲江零落

花千樹北望長安為愴神

王璜一首

璜字廷實潯人正德辛巳進士除陝西道御史有大

怀子集

談遷棗林雜俎潯縣御史王璜雲中歌入首一曰小
王子來打圍時自稱北狩產龍套墩上老軍莫相信
英皇元不納胡姬

林下感事

一戰不惜布衣死堂堂肉食應含羞納牟山下藏靈劍夜夜

龍光射斗牛

田按此詠普安王鐸事也鐸普安諸生學孫吳兵法
弘治中貴帥進討蠻寇鐸兄以尺籍當行瀕行而病
鐸代之行及戰官軍敗鐸死之此事黔志未載當補
錄

陳講一首

講字子學遂甯人正德辛巳進士歷官副都御史有

中川如鳥二集

崆峒

欲訪飛仙閣先臨問道宮亂雲交密竹斜日下危峯木落層
樓出天高一鳥通鼎湖龍去遠巖壑自秋風

朱子和一首

戊籤卷十四

辛

子和字 瀘州人正德辛巳進士歷官浙江僉事

有初溪集

歸雲閣

路轉涼颺回松古石泉落竹外鳥不鳴歸雲暮投閣

邵經邦一首

經邦字仲德仁和人正德辛巳進士除工部主事改

刑部進員外以建言廷杖發鎮海衛充軍有宏藝錄

三十二卷

四庫總目經邦以講學自任嘗採古今論學語發明其

旨為宏道錄又刪綴諸史為宏簡錄所著詩文則別

為宏藝錄經邦自作誌銘所云三宏集成誓問韓鳴

者也經邦上武宗疏及中興保治日食建言諸疏皆

慷慨激烈足以見其志節其他詩文則類皆抒寫胸

臆不屑屑以研鍊為工卷首藝苑元機七十三條專

明作詩之法以嚴羽詩有別才非關學之說爲不然而謂清廟緝熙莫非至理所寓未可不謂之詩人惟狂於習俗謂與經生不同故往往黏皮帶骨觀其持論其宗旨可知也

激水驛與巴鈍齋憲使宴

婺女星前瞻使節斗牛槎底汎行舟張騫自覓河源去徐福從招海外遊綺席玉杯光照夜繡衣霜簡氣橫秋來朝共擬尋天姥白鶴脩脩下九州

胡森一首

森字秀夫湯溪人正德辛巳進士歷官南鴻臚卿有

九峯集

金華詩錄九峯詩頗有標格如身世孤舟隨處繫江湖白髮共愁長澗戶苔封時遇鹿石牀客少只留雲句外有神

戊籤卷十四

三

九日遊觀音山次劉紫巖韻

萬里江流天際來無邊秋色上虛臺荒煙落日迷漁艇翠竹黃花照酒杯搖落自深騷客思羈棲空老杜陵才謝公不負東山興千古幽懷一笑開

趙兌一首

兌字鷺洲內江人僑寓上元正德辛巳進士官御史

罷歸起爲常州知府歷官參政

題謝子隱畫

峯回溪轉露山家竹樵編籬整復斜中有讀經人靜坐野風吹雨落藤花

彭汝寔一首

汝寔字子充嘉定州人正德辛巳進士除吏科給事中請改教職奪職閒住有得山堂集

凌雲寺

誰從雲際結孤亭萬斛蒼煙倚翠屏二水遠浮天影白九峯高擁樹痕青佛煙渺渺空中散估艇紛紛雨後停新月送人涼霧起石洲古渡未全冥

浦瑾一首

瑾字文玉無錫人正德辛巳進士除麗水知縣有桂巖集

閒居漫興

草堂幽事許誰分石鼎煎茶隔戶聞長日如年雙燕語晴風

戊籤卷十四

三

似酒百花醺輒莎新展青絲毯濃墨閒書白練裙稍待谿南荷菱滿扁舟十里看紅雲

林汝永一首

汝永字君修莆田人嘉靖壬午舉人累官長蘆鹽運使有南崧集

初夏集湖園有懷退齋弟

江南四月麥秋後正是濛濛梅雨時可惜池塘芳草滿一春閒過已無詩

王汝礪一首

汝礪字若金金華人嘉靖壬午舉人官滄州知州

擬相思行

鬱鬱連理枝關關相思鳥緬懷湘水人此夕愁多少

陳東一首

同前東字南塘零陵人嘉靖壬午舉人除井研知縣改龍

泉

黃葉渡

黃葉渡頭風愚溪橋下水日斜晚涼生漁歌數聲起

李松一首

松字鶴巢曹州人嘉靖壬午舉人除沙河知縣改開

封教諭

流民歎

惻惻昔鄉井遲遲行道側凶年託此身樂土是何國追逐惟

戊籤卷十四

三

妻孥可憐各菜色間道大河南人家富黍稷負擔不能達誰
知我心亟裏糗臨風餐蒙塵衣盡黑日暮宿荒郊愁吟聲唧
唧人生信多艱無家最可盡風急走浮雲林空無定翼透池
家漸遙舉首望天北

錢文晉一首

黃葉渡文僑字滌齋無錫人嘉靖壬午舉人官南太僕丞

過石灘山莊次鄭平山韻

地擅千秋勝泉流三徑分澗芳生暮色石壁亂春雲人意花

同愜巖香鳥共聞到來餘遠思羅月緣紛紛共看秋風吹碧

祝時泰一首

時泰字汝亨候官人嘉靖壬午舉人歷官戶部員外

德府左長史有九山集

過縉上人蘭若

東林秋入社還叩遠公扉地靜鈴相語風高旛自飛山留說
法座雲護定僧衣欲識空中相鐘聲繞翠微

戊籤卷十四

言



德府左長史有九山集
過縉上人蘭若
東林秋入社還叩遠公扉地靜鈴相語風高旛自飛山留說
法座雲護定僧衣欲識空中相鐘聲繞翠微

